


藝海珠塵



14
1627
57



門 44
號 1627
卷 57



藝海珠塵

子部醫家類

一草亭目科全書

鄧苑 苑字博望江西清江人明醫士

目論

經曰五臟六腑之精華皆上注於目骨之精為瞳子屬腎筋之精為黑珠屬肝血之精為絡屬心氣之精為白珠屬肺肉之精為約束屬脾血氣之精脈所係上屬於腦後出於頂荷被六淫外感七情內傷飲食失節勞役

藝海珠塵

一草亭目科全書

一

早稻田大學
25.10.30
購 茶

過度皆能損目夫目通肝竅腎藏其精一有怫鬱則相
火挾肝木而上行遂致傳變多端有七十二症之名總
不越內外二障而已華元化云目類丸形瞳神居中而
前如日月之麗東南而晦西北也有神膏神水神光真
血真氣真精此滋目之源液也神膏者目內涵膏神衰
則有損神水者出三焦而發源先天真一之氣所化目
上潤澤之水也水衰則有火勝燥暴之患水竭則有目
輪大小之疾耗澁則有昏眇之危虧者多盈者少是以
世無全精之目神光者原於命門通於膽發於心火之
用事也火衰則有昏瞑之患火炎則有焚燥之殃夫心

君主也通於大眥故大眥赤者實火也命門爲小心小
心相火也代君行令通於小眥故小眥赤者虛火也若
君主拱默則相火自然清寧矣真血者卽肝中升運滋
目注絡之血也此血非比肌肉間易行之血卽天一所
生之水故謂之真也真氣者卽目之經絡中往來生運
之氣乃先天真一發生之元陽也真精者乃先後二天
元氣所化之精汁起於腎施於膽而後及瞳神也凡此
數者一有所損目則病矣無間子曰夫目者先天之氣
所生後天之氣所成陰陽之妙蘊水火之精華血養水
水養膏膏護瞳神氣爲運用神卽維持喻以日月理實

同之人身至寶所當重也

目



圖

目議

黑珠屬肝肝為木也 東方屬木木生風在臟為肝應
目中暴怒不常生內鬱更因風熱醫侵瞳其症因惱怒

不常勞役過度外感風寒內傷色慾以致頭目眩暈視
物不明日久不治遂成昏暗等症

大小眚屬心火為火也 心居包絡名君主血逐火奔
眼內凝眚頭大小分虛實遠視還同是火星其症因憂
愁煩勞悲苦思慮內傷於心外攻於目赤筋灌瞳弩肉
攀睛日久不治漸至失明等症

上下胞屬脾脾為土也 太陰屬土主脾元積熱相干
病有源上下胞腫又赤挑針時發蒂依存其症因多
食熱物炙烤辛酸壅熱在內瘀血腫痛粟沙隱澁日久
不治以致爛弦倒睫纏綿不已等症

白珠屬肺肺為金也 肺臟停留心熱攻雙睛微見絳
 紗籠但宣腸胃辛涼劑方解昏昏似火紅其症因凌霜
 冒雪饑飽失常風邪外受內熱上攻日久不治以致視
 物不明變成白膜遮睛疼痛難開衝風出淚等症
 瞳人屬腎腎為水也又通膽竅此水木有相生之義肝
 腎有同治之方 腎膽同源精自華陰虛火旺便生花
 上沖瞳水還成綠急養化源不用嗟其症因嗜慾無厭
 房勞過度大驚傷神大恐傷志水火既虧陰陽漸損冷
 淚流於臉上飛花越於目前綠水灌瞳青盲內障等症
 外障

暴發時眼	疼痛難開	時眼傳染	羞明怕日
白珠生瘡	粟沙隱澁	胞臉腫爛	拳毛倒睫
弩肉扳睛	赤筋貫瞳	翳膜遮睛	垂簾翳障
衝風出淚	漏睛膿出	傷寒流毒	烏珠下陷
烏珠突出	偷針時發	胞内生膠	風牽喎斜
雀目凝睛	撞破生翳	血灌瞳神	飛塵傷目
時發有根	臉硬腫脹	瞳神脹痛	時發癰澁
小眚赤澁	大眚赤澁	冰輪翳	梅花翳
旋螺翳	浮翳	實翳	濕翳
乾翳	釘頭翳	白翳	紅翳

青翳

黃翳

黑翳

時發時散翳

裏急外弛

跌撲損傷

外障

世謂眼病屬火然非外受風邪眼必不病因膜理為風邪所束內火不得外洩挾肝木而上奔眼竅血隨火行故患赤眼及時調治自獲全愈倘日久不治及治而無效為粗工所悞遂成外障等症外障者風凝熱積血滯也法當除風散熱活血明目須用加減金液湯主之外點玉華丹自愈如患翳膜遮睛者用仙傳紫金膏點之此膏能開瞽或武當人龍此君亦妙

金液湯治外障等症

軟前胡 一錢

白桔梗 八分

直防風 一錢

川獨活 三分

京芍藥 一錢

肥知母 五分

荆芥穗 五分

蘇薄荷 六分

蔓荆子 七分

北柴胡 炒一錢

片黃芩 炒五分

咀片水煎熱服

如受風寒重者初二劑加羌活五分小川芎二分

白芷梢二分後服仍去

如淚多者加北細辛二分 家園菊五分

如腫脹者加葶藶子三分

如痛甚者加厚黃栢三分

如紅甚者加連翹三分 桑白皮四分 牡丹皮六分

紅花三分

如翳膜者加水賊四分 白蒺藜八分

如翳障弩肉者加石決明煨一錢

如昏瞶者加密蒙花八分 家白菊五分

如大眚紅者加梔子仁炒黑七分

如小眚紅者加酸棗仁炒一錢 遠志肉甘草煎水浸

錢 麥門冬去心一錢 家白菊三分 生地黃一錢

當歸尾三分 熟地黃一錢

如初發赤眼服藥六七劑可愈且無後患 外點藥

如屢發者風邪積熱人在經絡遇寒即發服金液湯

十餘劑後或作散或作丸服調理三四十日外用

玉華丹日點一次即愈

如體虛者須用加減地黃丸空心服飯後用金液散

此法最妙

如服金液湯須飯後熱服每日止服一劑不可驟進

刺恐傷胃氣服至六七日自愈

如外障等症多是有餘不可妄投補劑恐助邪為害

如內熱甚者大便閉結兼以體旺年少之人加大黃

一二錢 通後除去此症北京最多湯用五龍

五龍湯 治暴赤腫痛如北地體旺者宜服

陳麻黃 荆芥穗 白桔梗

牛蒡子

莊大黃

咀片各一錢三分作一劑生薑五錢葱頭二兩為

引服後腫消紅退仍用金液湯三四劑外點玉華

丹

玉華丹 治眼患外障紅腫羞澀昏翳膜等症

盧甘石

二兩取白而輕者如雲片及羊腦髓樣

川黃連

一兩去蘆切碎水一鍾浸半日

隔湯

煮汁童便一鍾取男牛歲無病者同連汁和作一碗

將甘石置傾銀罐內炭火煨成碧色取起以連汁童便淬之如此煨淬七次加硃砂三錢同研為末水飛去脚候乾又研極細如塵收貯聽用名曰丹頭另製珍珠將珠錢許置豆腐內碗盛蒸一時久研極細收貯聽用

丹頭一錢加珠末二分旋研水片三分和勻入磁罐

封固凡一切外障眼以銀簪或象牙簪沾藥點兩眦

內閉一飯久仍以簪撥出藥屑每日早飯後點一次

或夜點亦可

仙傳紫金膏

真黃丹五兩研細水飛候乾用厚綿紙盛鍋內炒熟
取起地上候冷又炒又冷如此九次去盡鉛
氣又研如川黃連去蘆淨二石燕一雌一雄大者如
塵聽用不拘一個二個與石燕阿子十二真熊
搗末水雌雄等分搗末水飛膽三錢或五錢多則效速試法塵撒水面取冬白蜜
飛聽用雌雄等分搗末水飛阿子十二真熊
膽三錢或五錢多則效速試法塵撒水面取冬白蜜
濾淨粟許滴水上其塵分開方真此眼藥神品八兩

先將連訶用井水三碗煎至碗半以蟹燕為細末水
飛過調和藥汁同蜜銀鍋慢火煎三五沸後入丹再
煎取柳條或桃槐條不住手順攪用水一盆在旁如
沸起即擡鍋放水盆內待藥有絲為度入熊膽再旋
百餘旋勿令雞犬生人婦人見之此方專治男婦一

切眼疾雙目不見十餘年者竟能還明但用兩蛤許
每日點五七九次不用雙點初點七日停三五日又
點七日用燈草撮其醫膜眼自明矣如重者不過三
七日神效

七寶膏

去諸醫障

珍珠三錢琥珀三錢水晶三錢龍齒一錢石決明熊
膽各三錢龍腦旋加五分

右搗碎研細水五升砂鍋內煎至一升去粗用銀鍋
熬至一盞入淨白蜜五錢和為膏每夜臥後點之早
不可點

武當祕授仙方

武當山上一仙方洩漏天機不可當巴豆薤仁和製石礪砂龍骨白丁香不論遠年腎膜障管教一點便開光

製石二錢 巴豆去殼一錢 薤仁一錢二味全煎水去渣以水入

礪砂用田螺一個漂二日泥淨開口時以礪砂三四

分入內候其化水以銀銚煎乾收貯每用二釐

龍骨火煨為極細末一分 白丁香取兩頭尖者端午取用甘草湯浸一宿曬乾研細收貯旋

加少許點腎膜腎肉

人龍散 治紅腫醫膜

人龍一條取壯大色白者以線繫首尾入長流水洗

淨將磁尖破開滴白漿入製石內點目亦效

一去腎肉用杏仁百粒搗爛取汁調製礪砂點或又用

白丁香亦可

此君丹 治醫

淡竹殼不拘多少用布拭去毛燒灰存性每藥一錢

加麝香三五釐同搗細末點在醫上亦妙

凡治外障眼切不可用刀針鉤割恐傷眼血後成痼疾不可治療經曰眼得血而能視則血何可損也但用金

液玉華等方自愈

一凡飛絲入眼用鹽一粒在口噙化其絲自出或用香
草子一粒入眼其子在眼走動振絲撥出自愈

一凡嘴眼歪斜服去風藥數劑脈平又服溫補外用鱧
魚血磨白芨塗面一邊立見其貌端正矣

劉禹錫方 治一切患眼

用黃連末 麩仁去皮研各等分 棗二枚開頭少

許去核以藥填滿仍將棗頭合上綿裹用銀鍋煎水

一碗至小半濾起待冷洗眼立效棗用大而端正者

啼鼻碧雲散 治一切外障等症如開銅蓋法清使邪

毒不閉令有出路然力少而銳啗之效宜常啗以

聚其力

鷺不食草二錢 青黛一錢 川芎一錢

右為細末先噙水滿口每用如米許啗入鼻內以淚

出為度

內障

綠水灌瞳 蠅影飛越 瞳神潤大 抱輪紅

瞳神焦小 亡血過多昏暗

瞳神返背 能遠視不能近視 瞳神缺陷 瞳神缺陷

能近視不能遠視 瞳神破損 婦人胎風

瞳神空背

倒經血出

坐起生花

小兒痘醫

青盲醫障

小兒疳傷

冷淚時出

黑霧蔽空

眩暈轉睛

雀目夜發

烏風時發

不能久視

內障治法

內障受病多因瞳神不紅不腫人不經意日久不治便成痼疾瞳神屬腎又通膽腑人身最靈者惟此瞳神而人身最重者惟此腎經所謂乙癸同源也夫人有陰虛者有陽虛者陰虛則水不滋木少火挾肝木而上炎肝通眼竅眼斯病矣蓋腎經如太極圖也水火具焉右腎

屬陽水左腎屬陰水命門少火居中少火者陽也以一陽陷於二陰之中成乎坎之象故易謂天一生水也水火和平百骸通暢然脾土非少火不生肝木非腎水不養脾氣足自生肺金肝氣充自培心火則腎為五臟之源所謂先天真氣生身立命正在此也故無水者壯水之主以鎮陽光無火者益火之源以消陰翳非獨治目諸症可例推矣此水火乃無形之水火即先天真陰真陽也陰虛補陰陽虛補陽脈候參之庶幾勿失若水火有虧瞳神受疾遂為內障等症內障者血少神勞腎虛也法當養血補陰安神明目須用加減地黃丸主之

兼進五寶丹飯後服白獲奇效或千金磁朱丹與石斛

夜光丸連服及後方選用

六味地黃丸 壯水之主 左尺微弱補水以配水

懷地黃酒洗蒸晒九次又酒煮爛搗膏八兩懷山藥炒四兩山萸肉去核

四兩洗蒸 白茯苓去皮屑淨蒸牡丹皮去骨光澤瀉去毛

三兩

俱為末同地黃膏搗勻加煉蜜為丸如梧子大每日

空心用滾水吞三錢即以美膳壓下直至腎經且無

泥隔之事

加當歸五味生地黃柴胡名益陰腎氣丸等分

加枸杞白菊

八味地黃丸 益火之源 右尺火衰補火以固本六

味加製附子一兩肉桂一兩

愚以附桂性烈用還少丹代之尤妙

還少丹 滋補腎水溫養少火諸虛百損男婦咸宜久

服却病延年

懷地黃四兩酒潤蒸晒九次甘枸杞四兩人乳蒸二

肉蓯蓉二兩酒洗去浮甲川巴戟酒浸去骨晒川

續斷二兩酒炒川牛膝二兩酒炒川杜仲二兩姜汁山萸肉去核

淨二兩酒洗遠志水洗去骨晒石菖蒲用小而節

二兩 楮實子 揀淨二兩炒 小茴香 二兩炒 白茯苓 去皮木屑水淘淨蒸

各製就和勻用棗肉二百枚搗和加煉蜜為丸如梧子大每日早晚滾湯好酒任服任吞五七十九丸此丸久服健筋骨利關節充精血美顏色有大滋益養生至寶 昔仙密授婦人服之果得高壽且如童顏因子不服鬚鬢皓然筋骨痿軟時常怒責一官遙見拘問女何打父婦曰是吾子也不服吾藥故打之取方歎賞名打老兒丸原係孫真人白龍宮得來 凡腎經補藥俱可漸加

加味逍遙散

治鬱怒傷肝眼目赤澀昏暗婦人多有之血虛發熱口乾自汗月經不調腹痛等症

大當歸 酒洗 白芍藥 酒炒 白茯苓 去皮 白朮 土炒

北柴胡 炒 牡丹皮 各一錢 蘇薄荷 三分 甘草 三分

川黃連 三分用吳茱萸煎湯拌炒

右咀片水煎 古方有梔仁 趙氏恐其傷胃氣故去之

歸脾湯 治思慮傷脾不能攝血或健忘怔忡驚悸盜

汗寤而不寐或心脾作痛嗜臥少食大便不調或肢

體重痛月經不調赤白帶下等症

人參 白朮 茯苓 棗仁

遠志 甘草三分

歸身

黃芪 各一錢 木香 三分

右咀片水煎龍眼肉三個為引 心藏神而主血肝藏魂而主血脾藏意而統血若思慮俱傷而血不歸經故有前症治以此方使氣血和暢補肝實脾血之散於外者悉歸中州而聽太陰所攝矣

天王補心丹 治心血不足神志不寧津液枯竭健忘怔忡大便不利口舌生瘡等症

人參 去蘆

元參 炒

丹參 炒

天冬 去心

麥冬 去心各一兩

五味子 蜜浸蒸如生用亦可

栝子仁 炒

酸棗仁 炒

遠志肉 甘草煎水浸一宿炒

白茯苓 去皮木

當歸身 酒洗烘各二兩

白桔梗 炒五錢

生地黄

酒洗薑汁炒研忌鐵器

右為末煉蜜為丸如椒目大白滾湯吞服二錢時臥

五寶丹 主開瞽復明瞳神缺者能圓陷者能起突者

能平真至寶也

夜明砂

水洗極淨

晚蠶砂

揀去土子極淨醋炒

鳳皇退

殼內自衣洗淨微火焙乾如焦則不用

老母鴨肝

水泡切片新瓦焙乾忌鐵器

嫩雄雞肝製如前

各為極細末各等分和勻每日早晚用酒調服三錢服至七日見效如重者再服一料自愈

千金磁珠丹 治神水寬大漸散昏如霧中行漸觀空中黑花又漸觀物成二體久則光不收及內障神水淡綠色淡白色者

磁石吸針者二兩辰砂一兩神麴四兩

共三味先以磁石置巨火中煨醋淬七次晒乾另研極細水飛候乾二兩辰砂另研極細水飛候乾一兩生神麴末三兩與前藥和勻更以神麴末一兩水和

作餅煮浮為度投入前藥內煉蜜為丸如梧子大每服二十九加至三十九飯湯送下空心服

右方以磁石辛酸寒鎮墜腎經為君令神水不外移也辰砂微甘寒鎮墜心經為臣肝其母此子能令母實也肝實則目明神麴辛溫甘化脾胃中宿食為佐生用者發其生氣熟用者斂其暴氣也服藥後俯視不見仰視漸觀星月者此其效也亦治心火乘金水衰反制之病久病累發者服之則永不更作空心服午前更以石斛夜光丸主之

石斛夜光丸 治症上同

天門冬 去心焙 揀人參 各二兩 兔絲子 酒煮製研 七錢五分
 五味子 炒五錢 麥門冬 去心焙 杏子仁 泡去皮尖 七錢五分
 白茯苓 去皮 二兩 枸杞子 七錢五分 川牛膝 七錢五分
 生地黃 一兩 熟地黃 一兩 家白菊 七錢五分
 白蒺藜 五錢 金石斛 五錢 肉苾蓉 五錢 酒洗 去浮甲
 真川芎 五錢 中甘草 炒五錢 陳枳殼 去穰炒 五錢
 懷山藥 七錢 青箱子 五錢 直防風 五錢
 川黃連 炒五錢 草決明 七錢五分 羚羊角 鎊末五錢
 烏犀角 鎊五錢

右二十五味製末煉蜜為丸如梧子大每服三五

熟地黃 八 當歸 五 楮實 一 川椒 一 五味 二 枸杞 三
 兔絲子 八 車前 二 俱是兩數
 各製末蜜丸梧子大每服三五十九丸食前溫酒下按
 此方治內障滋養神水目自明矣

地芝丸 治目能遠視不能近視漸至近亦昏蒙
 生地黃 焙乾 天門冬 去心各四兩 枳殼 炒二兩 甘菊花 二兩
 右為末蜜丸如梧子大茶清送下百丸
 按陰虛不能近視此方補陰藥也故主之

定志丸 治目能近視不能遠視者
 白茯苓 人參 各三兩 遠志肉 石菖蒲 各二兩

右為末蜜丸如梧子大以硃砂為衣每服七丸至二
三十丸溫米湯下食後日三服

按陽乏不能遠視此方補陽藥也故主之但此症年
老有之空心當服還少丹及補腎陽之藥

菊睛丸 治肝腎不足眼目昏暗常見黑花多淚

枸杞子兩四肉蓯蓉兩一巴戟天兩一甘菊花兩四

右為末蜜丸如梧子大每服五十九鹽湯溫酒任服

按此方專補命門少火此水中之火不足蓋水滋肝
木肝通眼竅是以神水足而神膏養神光自發瞳神
可保無恙矣明目何疑地可加熟八兩

世傳雀目者何也曰每至日晚一自不見又 雞盲眼

經謂目得血而能視肝血有虧熱入血室故也血主陰

晚夜屬陰以類相從治不得法亦能為害須用照月飲

主之或決明夜靈散更妙

照月飲 治雀目立效

真雄黃為末水飛候乾

用生雞剖取熱肝搗極爛和黃五釐溫酒調服

決明夜靈散 治雀目大人亦有此症并治

石決明洗煨為末 夜明沙洗淨為末 公豬肝每用一兩羊肝更妙

竹刀切開肝作二片將藥各二錢鋪在肝上合定用

線縛之入沙罐內米泔水煮熟臨睡時連肝藥汁俱

服

附刻薛氏選方

明目地黃丸 治男婦肝腎俱虛風邪所乘熱氣上攻

目昏遮睛羞澀多淚

牛膝

酒浸三兩

石斛

四兩

枳殼

炒四兩

防風

四兩

生熟地黃

各一兩

右為末煉蜜丸如梧子大每服三五丸食前鹽湯

下按此方可治內外三障體虛及年老者甚宜

加減駐景丸 治肝腎氣虛兩目昏暗視物不明

丸溫鹽湯任下

右方羨補藥也補上治下利以緩利以久不利以速也故君以天冬人參兔絲之通腎安神強陰填精也臣以五味麥冬杏仁茯苓枸杞牛膝地黃之斂氣除濕涼血補血也佐以菊花蒺藜石斛菴蓉川芎甘草枳殼山藥青箱之療風治虛益氣祛毒也使以防風黃連草明矜角烏犀之散滯瀉熱解結明目也陰弱不能配陽之病並宜服之此從則順之治法也

熊膽丸

觀音治眼方載藏經一人患目昏障遮睛諸醫不效自念惟佛可救於是禮佛甚謹夜夢白衣

人告曰汝要目明當服熊膽丸具在藏經後依方修製服之旬日目明眸子瞭然即治人目疾多愈

真熊膽一分

川黃連

密蒙花

川羌活

漢防風

龍膽草一兩

蛇蛻一兩

地骨皮一兩

木賊草一兩

仙靈脾一兩

瞿麥五錢

旋覆花五錢

白菊花五錢

蕤仁三錢五分

麒麟竭一錢

蔓菁子一合

俱為細末以羯羊肝一具煮其半焙乾入藥取其半生者去筋膜研爛入藥杵而丸之梧子大飯後米飲

下二十九諸品修製唯木賊去節蕤仁用肉蔓菁子

淘蛇蛻炙云

烏龍丸

呂仙翁治眼方一人性喜雲水見必邀款

小閣供純陽像奉事甚謹一日有客方巾布袍入語

曰汝目昏多淚當服烏龍丸可愈於是依方治藥服

之月餘目復明矣夜能視物年至九旬耳目聰明精

神如壯

生地黄

熟地黄

惟出懷慶者佳

川花椒

出四川閉口者勿用

三味各等分為末煉蜜為丸如梧子大空心鹽米湯

吞五十九竟可常服

報恩丸 一官治罪囚出活之後囚病死官患目疾為
內障所苦喪明年餘適夜半獨坐歎息聞塔下悉窣
聲官問為誰荅曰是昔蒙活囚今來報恩乃告一方
川黃連一兩 白羊肝一具去筋膜忌鐵器

以連末和肝於沙盆內研令極細為丸如梧子大每
服以滾水下三十九連作五劑言訖忽不見於是修
服數日復明矣凡目疾皆可治忌猪肉冷水雄雞

孝感丸 一人父沒奉母週遊四方事母盡孝淳熙中
寓秦川因患赤眼食蟹遂成內障諸醫無效素解晴

誦般若經出丐市里所得錢持歸奉母凡歷五歲忽
夜夢一僧長眉大鼻托一鉢鉢中有水令掬以洗眼
復告之曰汝此去當服羊肝丸也意其為佛拜乞其
方僧遂以方授之

夜明沙 淨洗 當歸 酒洗 木賊 去節 蟬退 去足

各一兩共研為末用黑羊肝四兩水煮爛搗如泥入
藥拌和又搗丸如梧子大食後滾水下五十九服之
百日復明與其母還鄉母亡棄家遂入道後竟仙去

三奇丸 治內障等症

熟地黃 九製 麥門冬 去心 車前子 去殼

各等分爲末煉蜜爲丸如梧子大食前服用滾水下
五十九

一子丹 葛仙翁治赤眼醫膜等症
大訶子一枚 以蜜磨點目中

二百花草膏 蜂採百花羊食百草
用羯羊膽灌入好蜜攪勻線緊縛蒸過懸風處候乾
入瓶點目

一人患目服黃栢知母之類更加便血何也曰此脾虛
不能統血肝虛不能藏血也當用補中益氣湯吞六
味地黃丸果愈

補中益氣湯 治勞倦傷脾中氣不足等症

黃芪 一錢五分 人參 去蘆一分 甘草 一錢
歸身 酒洗一錢 白朮 土炒一錢 陳皮 去白五分
升麻 三分

右咀片薑棗水煎服

一富家子忽病視正物皆以爲斜凡物必更移令斜自
以爲正其父求醫一醫留其子盛設暢飲至醉乃扶
坐轎中使人擡之高下其手常令傾側展轉仄之方
令登榻而臥達旦酒醒遣之歸家前日斜視之物皆
理正矣父母躍然而喜往謝問方何神效如此也醫

曰令郎無病是醉中常閃倒肝一葉搭子肺上不能
下故視正為斜今復飲之醉則肺脹展轉之間肝亦
隨下矣藥安能治之哉

一孕婦忽然視物不明目昏作疼此因胎熱傷肝毒氣
上冲或外傷風熱內食炙燥性熱之物以菊連湯主
之或金液湯治之無不效也

菊連湯 治婦人胎風眼

防風 一錢 荆芥穗 五分 家白菊 五分 蟬退 五分

連翹 六分 枯黃芩 七分 川黃連 三分 梔仁 六分

牛蒡 五分 炒研 大當歸 八分 酒洗 真川芎 五分 白芍 八分 酒炒

懷生地 一兩 一錢

右咀片生薑一片燈心一丸為引熱服

一乳婦因悸而病既愈目張不得瞑醫曰煮郁李酒飲
之使醉即愈所以然者目絲內連肝膽恐則氣結膽
衝不下郁李能去結隨酒入膽結去膽下目能明矣

以一醉飲主之

一醉飲

郁李仁 泡去皮三錢

酒一瓶煮熱飲之果驗

一婦人年四十餘兩目昏昧咳嗽頭痛粗工罔效一醫

診脈皆細弱脾部尤近弦弱曰脾虛也東垣云五臟六腑皆稟受脾土上貫於目脾虛則五臟精氣皆失所司不能歸明於目矣邪逢其身之虛隨眼絲入於腦則腦鳴而痛心者君火也宜靜相火代行其令勞役運動則妄行侮其所勝故咳嗽也不理脾養血而以苦寒治眼是謂治標不治本也症脈既詳方從意立醫者意也因故曰如意飲

- 如意飲
- 人參 一錢五分
- 黃芪 一錢五分
- 麥冬 去心一錢
- 貝母 一錢
- 歸身 八分
- 陳皮 五分
- 川芎 五分
- 黃芩 四分

- 家菊 五分
- 麥芽 四分
- 甘草 二分

右煎服二劑前症悉除
一婦人患爛弦風眼用覆盆子葉旋採以手揉碎入口中咀嚼而留汁滓於小竹筒內聽用取阜紗蒙眼用筆畫雙眸於紗上然後滴藥汁漬眼下弦轉盼間蟲出紗外有數千計其狀如絲色赤而長復用前法滴上弦又得蟲數十兼服消風清熱活血之劑遂獲全愈矣

覆盆葉 能去眼弦爛蟲

覆盆子 能治目睛不見物冷淚浸淫及青盲等症

覆盆子草 多取晒乾用時搗令極爛薄綿裹之以人乳浸之加人行八九里用以點目中即仰

面而臥不過三四日視物如童
但忌酒麪油蓋治目妙品也

一 人患赤目腫痛脾胃虛弱飲食難進診其脈肝盛脾
弱如服涼藥以治肝則損脾飲食愈難進服煖藥以
益脾則肝愈盛而加病何以治之乃於溫平藥中倍
加肉桂不得用茶常燉恐傷脾也蓋肉桂殺肝而益
脾故一治而兩得之傳曰木得桂而槁也
一 人久患目盲有白翳遮睛服藥罔效蓋此眼緣熱藥
過多乃生外障視物不明彼皆以為肝損腎虛補其
肝腎則眼愈盲治以救苦丹一月目明

救苦丹

正分

各散四分

甘草一分

甘草一分

甘草一分

甘草一分

公猪膽 一個微火用銀銚內煎成膏候冷入冰片
末二三釐點入眼中漸覺醫輕又將猪膽白膜皮晒
乾合作小繩如釵大燒灰存性點醫甚者亦能治之

小兒痘毒眼治法

痘毒入眼有赤腫而痛不能開者有醫障遮蔽而不能
視者自古方書所論及俗說所傳皆以為痘瘡入眼而
不知此非有形之瘡乃無形之毒也其遮睛之醫有似
痘瘡而實非也蓋有形之瘡發于咽喉者有之發于口
舌者有之然皆外瘡起脹時內瘡亦盛外瘡收靨時內
瘡亦消惟入眼之毒必作於收靨之時或還元之後與

咽喉口舌之痘迥異此以知其非有形之瘡也蓋眼者五臟氣血之精華也痘毒之鬱滯於肌膚者為癰為癩而其留滯於精華者則發于眼患矣毒已留於氣血精華之分則其受病也深故患此者當乘時調治收功于數十劑之後切不可鹵莽躁率責效於數劑之間何也痘後之人元氣已弱受毒又深而共毒火發露在表又在至高之位若驟用寒涼峻攻其裏而疏利其下則既傷其元氣又拂逆其病勢未有不至於喪明者且或生他症而為大患者多矣須用清 撥醫湯從容調治使其毒氣漸退而元氣不損此萬不失一之術也切戒薰

洗若日久不治亦致失明患此症甚多彼不知治法又何怪乎

清毒撥醫湯

- 防風 五分
- 荆芥穗 四分
- 蘇薄荷 四分
- 前胡 七分
- 蔓荊子 四分
- 京芍藥 六分
- 桔梗 五分
- 北柴胡 炒七分
- 片黃芩 炒五分
- 連翹 四分
- 肥知母 炒五分
- 牛蒡子 炒研五分
- 白菊 三分
- 密蒙花 四分
- 白蒺藜 炒去刺七分
- 木賊 三分
- 丹皮 四分
- 水煎熱服
- 如紅甚加紅花 三分
- 桑白皮 蜜水炒 四分
- 如醫膜遮睛

本草綱目全書

加石決明

煨研八分

如淚多加北細辛二分

如內熱

甚加黃連

炒三分

如甚者可兼用後數方

紫龍丹 治小兒痘毒眼外用吹耳

黃丹 五分 真輕粉 五分

俱為末研勻如左眼患吹右耳右眼患吹左耳每日吹二次每用釐許

密蒙花散 治症前同

密蒙花

酒洗曬乾五錢

蟬退

去足土五錢

穀精草

五錢

望月沙

洗淨曬乾一兩即免糞

俱為末每用獐猪肝一兩以竹刀披開將藥一錢和在內用碗盛蒸熟服亦效

穀精草散 治症同

穀精草

一兩

生蛤粉

二兩

俱為極細末每用獐猪肝一兩去淨筋膜以竹刀切片和藥一錢蒸熟服效 上二方用母雞肝亦可

小兒疳積眼治法

小兒腸胃柔脆早不可饑晚不可飽衣服隨時自不生病因飲食失宜過饑過飽食後便睡日晚加食寒熱不調外感或少內傷實多元氣阻滯漸致虛弱遂難運化

釀而成疔又貪飲食肌肉愈瘦腹脹下利日久不治疔
蟲傷肝目則病矣或閉或醫而變生諸症從而夭折可
不悲哉醫不及時治非良法始如不覺久則喪明須用
祕授玉龍丹主之

玉龍丹 治小兒疳積傷眼

蘇雄赤 為末水飛 候乾三錢 寒水石 煨為末 九錢

右二味和勻每日用雞肝一具竹刀切片去淨筋膜
膽同藥一錢入酒一盞碗盛蒸食五日見效竟能開
瞽

治小兒雀目法

五秀重明丸 治譬膜遮睛癰澁昏花常服清利頭目

甘菊 間頭五百朵 荊芥穗 五百穗 楮實子 五百粒

木賊 去節五百莖 川花椒 五百粒去子

為末蜜丸彈子大每服一丸細嚼徐徐嚥下

按此方俱輕清上行之品治標可也宜暫用之

瑞竹四神丸 治腎經虛損眼目昏花

甘枸杞 一筋取色赤滋潤者作四分用酒一杯潤之

一分川椒 二兩同炒 一分小茴 一兩同炒

一分芝麻 一合同炒 一分獨炒

炒過將椒等篩揀去 加熟地黃 四兩 白茯苓 三兩

甘菊花二兩 共為末蜜丸如梧子大每服五七十九
空心溫酒送下

按此方中年以後每日當服不獨可保目明而却病
廣嗣其功甚大

天麻丸 治小兒肝風眼疳

青黛 黃連 天麻 川芎 蘆薈 五靈脂

夜明沙 炒各一錢 龍膽草 酒拌炒焦 嫩防風 直者

蟬蛻 各錢半 全蝎 麝香 少許 乾蟾頭 二錢

俱為末公猪膽汁浸糕丸如麻子大每服十丸薄荷
湯下

按此方疔傷五臟各有現形唯傷肝者木因風動遂
為目患品味週至誠良劑也然余全書內玉龍丹效
甚

濟生桑白皮散 治肺氣壅塞毒氣上攻眼目白睛腫

脹日夜疼痛

元參 桑白皮 枳壳 炒杏仁 炒旋復花 防風

京芍 黃芩 甘菊 甘草 甜葶藶 炒柴胡 炒

右各一兩為細末滾水調一錢飯後服

按此方治風熱之劑凡外障睛珠腫脹疼痛宜服

蜜蒙花散 治風毒攻目昏暗眵淚并暴赤腫

羌活 白蒺藜炒 木賊 蜜蒙花 石決明煨各一兩
甘菊家園者一兩

右為末每服二錢茶清食後調下

按此方治風毒凡醫障眼宜服

蟬花散 治肝經蘊熱毒氣上攻眼目赤腫多淚羞明

一切風熱昏醫

穀精草錢一 甘菊分六 蟬退分五 羌活分五 甘草分三 蒺藜炒一錢
草決明錢一 防風分七 山梔炒分七 川芎分三 蒙花分七 木賊分五
荆芥穗分三 黃芩分五 蔓荆子炒分五
右為末每服二錢食後茶清調下

按蟬花散治外障蘊熱等症固宜但症有不同或新起久患或氣血虛實量人加減詳在全書

洗心散 治風壅壯熱頭目昏痛熱氣上衝口苦唇焦

咽喉腫痛心神煩躁多渴五心煩熱小便赤澀大便

祕滯

大黃煨 甘草 當歸 芍藥 麻黃 荆芥
各六錢 白米五錢

右為末每服二三錢生薑薄荷煎服

洗肝散 治風毒上攻暴作赤日腫痛難開眵淚

薄荷 當歸 羌活 防風 山梔 甘草

大黃酒洗川芎

右各二兩為末每服二錢食後滾水調下

按前二方人多用之故存備參考或問曰洗心洗肝二散治目何如荅曰方以洗名其剋伐可知蓋為體壯氣實者感冒風寒外來腠理內火不得消散實熱上炎奔入眼竅暴赤疼腫大便滯澁姑以此暫用解散否則不敢濫試也人體不同又烏可執泥乎

藝海珠塵

子部小說類

南滙 吳 省蘭 泉之輯

金山 王 元宇 士昂校

雲仙散錄

馮許 贊贊仕履無考舊本標為唐人並有南部 簪簪花記亦稱贊著或以為宋王銍所偽

幽人筆

司空圖隱於中條山芟松枝為筆管人問之曰幽人筆

正當如是汗漫錄

飛雲履

藝海珠塵

雲仙散錄

白樂天燒丹于廬山草堂作飛雲履玄綾爲質四面以素絹作雲朵染以四選香振履則如烟霧樂天著山中道友曰吾足下生雲計不久上升朱府矣樵人直說

孫登琴

孫登琴遇雨必有響如刃物聲竟因陰雨破作數截有黑蛟踊去金徽變化篇

碁聲與律呂相應

元頤本棋枰聲與律呂相應蓋用響玉爲盤非有異術也洞天

紅白二墨墨矣而有紅白之名新甚今人稱硃錠爲硃墨當本此

楚王靈夔使人造紅白二墨爲戲及書寫衣服黑衣用白書白衣用紅書自成一家大唐龍髓記

龍耳李

崔奉國家一種李肉厚而無核識者曰天罰乖龍必割其耳耳血墮地故生此李琴莊美事

瑠黃椀

元載飲食冷物用瑠黃椀熱物用泛水羹器器有三千事出樞要錄

無塵子

方鎔隱天門山以櫻欄葉拂書號曰無塵子月以酒脯

祭之出高士春秋

惜春御史

穆宗每宮中花開則以重頂帳蒙蔽欄檻置惜春御史掌之號曰括香玉塵集

黑松使者

元宗御案墨曰龍香劑一日見墨上有小道士如蠅而行上叱之即呼萬歲曰臣即墨之精黑松使者也凡世人
有文者其墨上皆有龍賓十二上神之乃以墨分賜掌文官出陶家餅餘事

柳神九烈君

李固言未第前行古柳下聞有彈指聲固言問之應曰吾柳神九烈君已用柳汁染子衣矣科第無妨果得藍袍當以棗餠祠我固言許之未幾狀元及第出三峯集

六鼻鏡生雲烟

黃巢陷京城南唐王氏有鏡六鼻常生雲烟照之則左右前三方事皆見王氏向京城照之巢寇兵甲如在目前上平都邑以映日紗囊取入禁中出纂異記

文星典吏

杜子美十餘歲夢人令采文于康水覺而問人此水在二十里乃往求之見鵝冠童子告曰汝本文星典吏天

使汝下謫為唐世文章海九雲誥已降可於豆瓏下取
甫依其言果得一石金字曰詩王本在陳芳國九夜捫
之麟篆熟聲振扶桑享天福後因佩八蕊市歸而飛火
滿室有聲曰邂逅穢吾今汝文而不貴出文覽

玄山印記

陳茂為尚書郎每書信印記曰玄山典記又曰玄山印
擣朱礬澆麝酒閑則匣以鎮犀養以透雲香印書達數
十里香不斷印刻胭脂木為之山玄山記

水玉數珠

房次律弟子金圖十二歲時次律徵問葛洪仙錄中事

以水玉數珠手節之凡兩遍近二百事琅琅誦之不止

次律賞以轉枝梨童子通神集

為梨花洗粧

洛陽梨花時人多攜酒其下曰為梨花洗粧或至買樹

唐餘錄

籠桶衫柿油巾

杜甫在蜀日以七金買黃兒米半籃細子魚一串籠桶
衫柿油巾皆蜀人奉養之麤者出浣花旅地志

石斧銘

玄針子得石斧銘曰天雷火速文步敲石柱子如其言

詩如蒸雲千步千首清異志

棠木印

張寶凡衣服綵帛皆以所任官印之白黃物以墨紅黑物以粉常曰此印賢於掌庫奴遠矣文字亦然人收寶文以有棠木印者為真張寶就甲錄

鳳窠羣女

姑臧太守張憲使娼妓戴拂壺中錦仙裳密粉淡粧使侍閣下奏書者號傳芳妓酌酒者號龍津女傳食者號仙盤使代書札者號墨娥按香者號麝姬掌詩臺者號雙清子諸倡曰鳳窠羣女又曰團雲隊曳雲仙出姑臧前後記

地仙圓

號州別駕竇淝以當歸為地仙圓曰使血海增光以棗木為杵曰號金剛骨出三堂往事

涼物

房壽六月召客坐糠竹簟凭狐文几編香藤為俎刻柳子為杯搗蓮花製碧芳酒調羊酪造含風鮓皆涼物也壽勸吳田以轆轤瓮田懼其深曰但見龍門換水濯翅藥腸耳頭出卯錄

梅粧閣

郭元振落梅粧閣有婢數十人客至則施鴛鴦禪裙衫

一曲終則賞以糖雞卵明聲也宴罷散九和握香出錄

洛陽歲節

洛陽人家正旦造絲雞葛燕粉荔枝正月十五日造火
蛾兒食玉梁饊寒食裝萬花輿莫楊花粥端午朮義枝
酒以花絲樓閣挿髻贈遺辟瘟扇乞巧使蜘蛛結巾字
造明星酒裝同心膾重九迎涼脯羊肝餅佩瘦木符冬
至煎餈絲珠戴一陽巾除夜銅刀刻門埋小兒硯點水
盆燈臘日造脂花金門歲節

梅檀寺春秋二會

梅檀寺悟本詩春秋二會斂牛乳爲龍華飯供獻結絲

錢爲幡蓋設客以吳興鸞團糟授戒者施以般若錢求

男者解密珠璫出僧園逸錄

搔首問青天

李白登華山落鴈峯曰此山最高呼吸之氣想通天帝
座矣恨不攜謝眺驚人詩來搔首問青天耳搔首集

清高門戶

樂天語人曰吾已脫去利名枷鎖開清高門戶但蓮龕
子母丹不知何時可成自慶傳

午橋莊

裴令臨終告門人曰吾死無所繫但午橋莊松雪嶺未

成軟碧池繡尾魚未長漢書未終篇為可恨爾出晉公遺語

養硯墨筆紙

養筆以碯黃酒舒其豪養紙以芙蓉粉借其色養硯以文綾蓋貴乎隔塵養墨以豹皮囊貴乎遠濕逢溪子遵之文房寶飾

迷香洞

史鳳宣城妓也待客以等差甚異者有迷香洞神雞枕鎖蓮燈次則交紅被傳香枕八分羊下列不相見以閉門羹待之使人致語曰請公夢中來馮垂客于鳳馨囊有錢三十萬盡納得至迷香洞題九迷詩於照春屏而

歸常新錄

金鳳凰

周光錄諸妓掠髻用鬱金油傅面用龍消粉染衣以沈

香水月終人賞金鳳凰一隻傳芳畧記

三賢松

朝真觀九星院有三賢松三株如古君子梁閣老妓英奴以麗水囊貯香遊之不數日松皆半枯畧事

芋魁

李華燒三城絕品炭以龍腦裹芋魁煨之擊爐曰芋魁遭遇矣三賢典語

山神以豐年相報

琴叟耕鳳嶺之田以虎紋巾裹犁推之曰勞吾躬耕山

神必以豐年相報已而果然鳳翔退耕傳

縮龍臺

李神遇以楓溪鐵造縮龍臺為宴燈花燈八層間以三

縫綿標點紫菱油燃鳳縷疑尚缺文出招撫精華

吳興米

吳興米炊之飯香白馬豆食之齒醉號國夫人厨吏鄧

連以此米擣為透花餅以豆洗皮作靈沙臙以供翠鴛

堂品物類聚記

掃露明軒

王施避巢寇入天台山主人賀理給以牛粥練裙施謝

曰公乃命司延我光景當為掃露明軒永為下吏山芳賢傳

吞雲夢澤

張曲江語人曰學者常想胸次吞雲夢澤筆頭湧若耶

溪量既并包文亦浩瀚徵文玉井

田水聲過吾師丈人

淵明嘗聞田水聲倚杖久聽歎曰禾稻已秀翠色染人

時剖胸襟一洗荆棘此水過吾師丈人矣淵明百贊別傳

龍鬚友

雲仙散錄

雲仙散錄

八

郗詵射策第一再拜其筆曰龍鬚友使我至此後有貴人遺金龜并拔藥石簪咸與弟子曰可市筆三百管退而藏之貯以文錦一千年後猶當令子孫以名香禮之

龍鬚

隱士衫 成芳隱麥林山剝苧織布為短襴寬袖之衣著以酤酒自稱隱士衫

梁福廬記

俗耳鍼砭詩腸鼓吹

戴顓春攜雙柑斗酒人問何之曰往聽黃鸝聲此俗耳鍼砭詩腸鼓吹汝知之乎

高隱外書

半月履

趙廷芝安成人作半月履裁千紋布為之託以精銀縑以絳蠟唐輔明過之奪取以貯酒已乃自飲廷芝問之荅曰公器皿太微此履有滄海之積耳

妙豐居士安成記

菱角巾

王鄰隱西山頂菱角巾又嘗就人買菱脫頂巾貯之嘗未遇而歎曰此巾名實相副矣

董慎續豫章記

大鯉五色

孫願夜行橫塘見池中大魚映月吸水移時不去池外數步有一小坎正函北斗有蝦蟇數十共來飲掣願異

之明日汰池中惟有一大鯉身已五色復來坎所訪求
以臺得三足者數十馮玉雲金溪記

屋龍更衣

饒子卿隱廬山康王谷無瓦屋代以茅茨每年一易茅
謂之茅龍更衣或時雨濕致漏則以油幄承梁坐於其
下初不愁歎十三賢共廬山記

掌有臥蛇文

傅咸掌有臥蛇文指甲上隱起花草如雕刻是以文章
過人逍遙公南康記
栗木為關

凡門以栗木為關者夜可以遠盜從容錄

九華半臂

關文衍為散騎常侍畫九華山圖於白綾半臂號九華
半臂自云令吾此身常在雲泉之內精蓬青

郭汾陽每遷官則面長二寸額有光氣事已乃復隴王書

音琵琶中景

石崇砌上就苔蘚刻成百花飾以金玉曰壺中之景不
過如是耕桑偶記

辨琴秦楚聲

雲仙散錄

雲仙散錄

李龜年至岐王宅聞琴聲曰此秦聲良久又曰此楚聲
主人入問之則前彈者隴西沈妍也後彈者揚州薛滿
二妓大服乃贈之破紅綃蟾酥麩龜年自負強取妍秦
音琵琶捍撥而去辨音集

臨光宴

正月十五夜元宗於長春殿張臨光宴白鷺轉花黃龍
吐水金鳥銀燕浮光洞攢星閣皆燈也奏月分光曲又
撒闌江錦荔枝千萬顆令宮人爭拾多者賞以紅圈帔
綠暈衫影燈記

水松牌

李白遊慈恩寺寺僧用水松牌削以吳膠粉捧乞新詩
白為題訖僧獻玄沙鉢綠英梅檀香筆格蘭縑袴紫瓊

海墨
微言

泛春渠

汝陽王璿取雲夢石斃泛春渠以蓄酒作金銀龜魚浮
沈其中為酌酒具自稱釀王兼麴部尚書醉仙圖記

百花獅子

曲江貴家遊賞則翦百花裝成獅子相送遺獅子有小
連環欲送則以蜀錦流酥牽之唱曰春光且莫去留與
醉人看曲江春
宴錄

雲仙散錄

七

桃花紙

傷炎在中書後閣糊窗用桃花紙塗以小油取其明甚

酒器九品

李適之有酒器九品蓬萊盞每川螺舞仙瓠子卮幔捲
荷金蕉葉玉蟾兒醉劉伶東溟樣蓬萊盞上有山象三
島注酒以山沒為限舞仙盞有關捩酒滿則仙人出舞
瑞香毬子落盞外逢原記

暖香滿室如春

寶雲溪有僧舍盛冬若客至則燃薪火暖香一炷滿室

如春人歸更取餘燼

雲林異景志

啼猿生蕨

猿啼之地蕨乃多有每一聲遽生萬莖窮幽記

買春錢

進士不第者親知供酒肉費號買春錢承平舊纂

苦吟

孟浩然眉毫盡落裴祐袖手衣袖至穿王維至走入醋
甕皆苦吟者也詩源指訣

蛻龍牙

取蛻龍牙一枚手握之臨局自然機變橫出手參碁訣

碎金面碁盤

蘇尚書八十猶參禪大瀉訪之以手拍碎金面碁盤向

書尋有悞解舊相禪學錄

孟益琴價與武庫爭先蘇手亦蘇至矣王蘇至去人

稽康抱琴訪山濤濤醉欲剖琴曰吾賣東陽舊業以得

琴乞尚書令河輪珮玉截為徽貨所衣玉簾中單買縮

絲為囊論其價與武庫爭先汝欲剖之吾從死矣金徽變化

篇

圍棋奪造化

王勃圍棋率下四子成一首詩勃猶詫之向人曰吾自

奪造化雖一時之間百用亦可洞天洞覽

墨紋如履皮

墨紋如履皮磨之有油暈者一兩可染三萬筆成老伯墨經

換茶醒酒

樂天方入關劉禹錫正病酒禹錫乃餽菊苗蘼蘆煎餅

換取樂天六班茶二囊以醒酒蘇志

腸胃文章映日

元稹為翰林承旨朝退行鐘廊時初日映九英梅隙光

射植有氣勃勃然百僚望之豈腸胃文章映日可見乎

常朝錄

天峯煤與綾文刺孰勝

盧杞與馮盛相遇於道各攜一囊杞發盛囊有墨一枚杞大笑盛正色曰天峯煤和針魚腦入金溪子手中錄離騷古本比公曰提綾文刺三百為名利奴顧當孰勝已而搜杞囊果是三百刺大唐龍隨記

粥飼鳩

蘭先生坐琴莊食蘭香粥有鳩至堦上先生以匙擲飼之漸進至肩遂盡此粥後日鳩以千百至先生飼之琴莊美事

花簪壓損帽簷

梁緒梨花時折花簪之壓損帽簷至頭不能舉祥雲志

翡翠指環

何充妓於後閣以翡翠指環換刺繡筆充知嘆曰此物洞仙與吾欲保長年之好乃命蒼頭急以蜻蜓帽贖之莊樓記

赤將軍

哥舒翰有馬曰赤將軍翰愛之甚常以朝章加其背曰過吾北林兒遠矣此駿馬也馬癖記

地脂

高展為并州判官一日見砌間沫出以手撮之試塗一

老吏面上皺皮頓改如少年色展以謂必神藥問承天
道士荅曰此名地脂食之不死展乃發軔已無所覩方
年編

胡麻啖犬

以胡麻炒啖犬則光黑而駿使獵必大獲狐兔又可得
三十歲好事集

得意田

雲陽改氏值豐年則盡取金錢埋之九里皆滿曰有得
意田遂可棄無用豐年錄

過門錢

龍山康甫慷慨不羈每日置酒於門遂留賓客不住者
贈過門錢曰費酒者鶴嘴餅三十放懷集

虞永興書

有人收得虞永興與圓機書一紙翦開字字賣之謬卿
一字得麻一斗鶴口一字得銅硯一枚房村一字得芋
千頭隨人好之淺深錦字

一醉六日

張麟一醉六日嚼柱幾半醉錄

起宅制以醇酒

蓮花巷王珊起宅畢其門刷以醇酒更散香末蓋禮神

之至

宣武盛事

題梁字

范溥題廳事梁每字以木花蓮承之歲旦一開次日復上之

河中記

郇公廚

韋陟廚中飲食之香錯雜人入其中多飽飫而歸語曰人欲不飯筋骨舒實緣須入郇公廚

廁上以木湯盥手

陳宛盛其居止廁上以木湯盥手槐板覆蔽糞穴為都城第一

洛陽要記

書北山移文

樂天女金鑿十歲忽書北山移文示家人樂天方買終南紫石欲開文士傳遂輟以勒之

豐寧傳

爭春館

揚州太守圃中有杏花數十畷每至爛開張大宴一株令一倡倚其榜立館曰爭春開元中宴罷夜闌人或云花有歎聲

揚州事迹

薛家土風

成都薛氏家土風甚美廚司以半瓠為杓子孫就食蝦羹肉臠一取之飯再取之

蜀普錄

雲仙散錄

雲仙散錄

七

食蒲桃

楊炎食蒲桃曰汝若不流當以太原尹相授河東備錄

梅聘海棠根子臣櫻桃

黎舉常云欲令梅聘海棠根子臣櫻桃及以芥嫁笋但恨時不同耳然牡丹醪醑楊梅枇杷幸為執友金城記

檜生藥圓

幽燕思先驛後有五樹檜忽生藥圓試摘服之往往療疾有驗幽燕記異

過廳羊

熊翻每會客至酒半堦前旋殺羊令眾客自割隨所好

者綵刀繫之記號畢烝之各自認取以剛竹線切食一

時盛行號過廳羊青州集註

軟漆纏桑枝為籬障

杜勝宅以軟漆纏桑枝編為籬障雨一過黑光照四面時通甫愛之欲以銅官第取不應鄒郡名錄

嚼雞舌香

飲酒者嚼雞舌香則量廣浸半天回則不醉酒中玄

能詩

能詩之士雨泡滅則得意香烟斷而成吟白氏金鎖

朱書禹字渡江河

雲仙散錄

雲仙散錄

七

渡江河者朱書禹字佩之免風濤保安吉禹功記

盡數天星偏知棋勢

人能盡數天星則偏知棋勢止戈集

雌雄樹

九仙殿銀井有梨二株枝葉交結宮中呼為雌雄樹金鑿

密記

作詩如繡花

作詩如繡花女令籠絡枝葉而已無過不及乃善鍾嶸句眼

化玉膏

衛玠盥而用化玉膏及芹泥故色愈明潤終不枯槁金鑿

錄

貯蘭蕙

王維以黃磁斗貯蘭蕙養以綺石累年彌盛汗漫錄

百齒梳

孫思邈以交加木造百齒梳用之養生要法也樵人直說

科斗筋魚尾匙

向範待客有漆花盤科斗筋魚尾匙樞要錄

唾地成文

有人謁李賀見其久而不言唾地者三俄而成文三篇

文筆襟喉

菖蒲當拜此君

王徽之以菖蒲映竹曰菖蒲止以九節為貴而此君面目聳然正當再拜此君而此君亦安得不受之耶高士春秋

界尺筆槽

有借界尺筆槽而破其槽者白其主人曰韓直木如常孤竹君無恙但半面之交忽然折節矣主人大笑玉塵集

犀如意

虞世南以犀如意爬癢久之歎曰妨吾聲律半工夫餅事

萱草浣衣

鄭源令婢萱草浣衣萱草輒云郎君塵土太多令人手皮俱脫三集

虎毛紅筦筆

有僦馬生甚貧遇人與虎毛紅筦筆一枚曰所須但呵筆即得之然夫妻之外令一人知則殆矣時方盛行凝烟帳風篋扇皆呵而得之一日晚思免頭羹連呵遽得數盤夫妻不能盡以與鄰家自是筆雖存呵之不應纂記

一詩輒洗其筆

白傅每一詩輒洗其筆文覽

句中喜得魚竹

孟浩然一日周旋竹間喜色可掬又見網師得魚尤甚喜躍友人問之荅云吾適得句中有魚竹二物不知竹有幾節魚有幾鱗疑致疎謬今見二物乃釋然矣山記

洪兒紙

姜澄十歲時父苦無紙澄乃燒糠協竹爲之以供父澄小字洪兒鄉人號洪兒紙童子通神錄

束修羊

倪若水藏書甚多列架不足疊牕安置不見天日子弟直日看書借書者先投束修羊唐餘錄

惠一絲兩絲

杜甫寓蜀每蠶熟卽與兒躬行而乞曰如或稍憫惠我

一絲兩絲浣花旅志

蕨成金釵

王鯨逢賣蕨姥黃衣破結有饑色憫之乃以千錢買蕨姥謝而去及歸蒸于烏頭甑盡成金釵益姥非常人也

清異志

雞鴨卵殼

張寶嘗使子弟巡市乞雞鴨卵殼雞卵以煮藥鴨卵以金絲縷海棠花名鮫胎蓋醉後畏酒時多用之就印錄

雲仙散錄

鄴中老母村人織綾必三支五結號八梭綾匹值米六

筐撿拾精華

染花奩

郭代公愛姬薛氏貯食物以散風奩收粧具以染花奩

品物類聚記

文享媚香無忝

張說攜麗正文章謁友生時正行宮中媚香號化樓臺

友生焚以待說說出文置香上曰吾文享是香無忝文微

井玉

少延清歡

陶淵明得太守送酒多以春秫水雜投之曰少延清歡

數曰淵明別傳

筆文章貨

羅隱喜筆工萇鳳語之曰筆文章貨也吾以一物助子

取高價卽贈鴈頭牋百幅士大夫聞之懷金同價或以

綵羅大組換之龍鬚志

降龍道者

戴顓見降龍道者曰生死外人願陳三拜獻護經簾青

銅磬芳賢傳

何徵君隱吳郡

何徵君隱吳郡多遊臨華寺九金堂飲鹿塘靈寶院涵

星澗高隱外書

西昌逸士

郎詠隱西昌採樵為業或擔至都中人買之則曰我西

昌逸士酒中人也今獻公所闕公當惠我所好

亨鹿肉

黃昇曰亨鹿肉三斤自晨煮至日影下門西則喜曰火

候足矣如是四十年安成記

獵蠅記室

盧記室多作脯腊夏則委人於十步內扇上塗錫以撲

蠅脯以青紗障塵土時人呼為獵蠅記室金溪記

種蔬助鼎俎

宋宇種蔬三十品時雨之後按行園圃曰天萬此徒助

予鼎俎家復何患豫章記

蓄鴨

富場庭蓄鴨萬隻每飼以米五石遺毛覆渚桂林記

石髓銜賦題

高郢夜課于豐亭忽見一髓在案上視之石也郢異其

事取千題散置楮中禱祝令石髓銜之以下來事既而

石髓舉頭乃是沙洲獨鳥賦題出果然其年首選湘潭記

白負書劍

凌倚隱衡山往來自負書劍削竹為墻裏以烏氈倚既死山僧取以供事衡山記

松精成使者

茅山有野人見一使者異服牽一白羊野人問居何地曰偃蓋山隨至古松下而沒松形果如偃蓋意使者乃松樹精羊乃茯苓耳金陵記

龍窠石

中山僧表堅面多癩痕偶溪中得石如雞子夜覺涼冷

信手磨面癩痕盡滅後讀博異志曰龍窠石磨癩瘡大

效廬山記

召客念無魚

蘇蠟郎中召客無魚念曲江多有而禁釣乃令掌吏用油幕偷數頭適濟其事承平舊纂

金雞抱卵時

封少卿問禪於龍華厚參師曰金雞抱卵時如何少卿歸而默坐三年不領解至于發狂而死禪學錄

胡松節支琴

白傳用胡松節支琴金微變化篇

雲仙散錄

竊嚙碁子

李杓直與人碁而敗乃竊數子嚙之尋問乃鼓局大怒

洞天
洞鑿

墨染紙不昏

墨染紙三年字不昏暗者為上

成老相
墨經

茶焦縛奴投火

陸鴻漸採越江茶使小奴子看焙奴失睡茶焦爍鴻漸怒以鐵繩縛奴投火中

蠻賦
志

袖餅班中

于琮班中有時袖餅而食或以遺同列

常朝
記

石蓮匣

許芝有妙墨八廚巢賊亂瘞于善和里第事平取之墨已不見惟石蓮匣存

大唐龍
髓記

鷺烝

藺先生上隱亭望九里山七日不能下但食鷺烝二十

琴莊
美事

粉指印青編

徐州張尚書妓女多涉獵人有借其書者往往粉指痕並印于青編

粧樓
記

一里更二馬

校書郎李蟠蓄馬甚多出遊則一里更二馬借借供應
可逮十家馬癖

旋風筆

魏博田承嗣簽治文案如流水吏人私相謂曰世罕有
此旋風筆方鎮編年

贈相得以鳩

毛傅好食鳩人與已相得者必以鳩贈之一見李翱贈
十二籃好事集

物價至微

開成中物價至微村落買魚肉者俗人買以胡絹半尺

士大夫買以樂天詩一首兼之豐年編

夜飛蟬

杜甫每朋友至引見妻子韋侍御見而退使其婦送夜
飛蟬以助妝飾放懷集

羲之鬼

虞世南書冠當時人謂其有羲之鬼錦字

竹枝曲

張旭醉後唱竹枝曲反復必至九回乃止醉錄

邵老先生

王僧虔晚年惡白髮一日對客左右進銅鑷僧虔曰邵

老先生至矣庶幾乎南康記

小兒司命

郭汾陽語子弟曰西陽庶賣方小兒之司命不可不讀從容錄

青蠅拜賀

術士相牛僧孺若青蠅拜賀方能及第公疑之及登科訖歸坐家庭有青蠅作八行立約數萬折躬再三良久乃去青陽記

葬得石牌

烏重肖葬先世掘得石牌有云牛領岡前紅簫隴下葬

用丙日手板相亞重肩依而用之龍上書

貧而圖婚

白厚貧而圖婚娶劉純材女厚送烏瑤十事麩紙爲書純材大笑荅以象田珠十升紫弱千餘頭及使家僮撒燭花盈路厚閉門大慚賓客走去耕桑偶記

以海駝皮爲鼓

凡鼓以海駝皮爲之泥以象骨則雄而清用雜皮則濁而易去辨香集駝疑是鮫字

上元燈影

洛陽人家上元以影燈多者爲上其相勝之辭曰千影

萬影又各家造芋郎君食之宜男女仍云送雞肉酒用
六木餅貯之於親知門前留地而去影燈記六木瓶
疑作大木瓶

軟棗饊

宣慈寺每求化人先留食軟棗饊柳尚書來方食饊袖
疏欲出尚書急解連帶緋袍鑰子魚袋施之海墨
微言

竊花

霍定與友生遊曲江以千金募人竊貴侯亭榭中蘭花
插帽兼自持往綺羅叢中賣之士女爭買拋擲金錢人
各以錐刺藕孔中者罰巨觥不中者得美饌曲江春
宴錄

酒窟

蘇晉作曲室為飲所名酒窟又地上每一甄鋪一甌酒
計甄約五萬枚晉日率友朋次第飲之取盡而已醉仙
圖記

詩成裁窻紙

段九章詩成無紙就窻裁故紙連綴用之九章字惠文
逢原
記

白羊妝點芳草

午橋莊小兒坡茂草盈里晉公每使數羣羊散于坡上
曰芳草多情願此妝點也窮幽
記

浮萍為鴨作茵褥

浮光多美鴨太原少尹樊千里買百隻置後池載數車

浮萍入池使為鴨作衲雲林異景志

自為小君裁衣

李紳為相時俗尚輕綃染醮碧為婦人衣紳自為小君裁翦鳳池編

貴家棋子

開成中貴家以紫檀心瑞龍腦為棋子甚譚

弄葫蘆成詩

王筠好弄葫蘆每吟詠則注水於葫傾已復注若擲之於地則詩成矣詩源指訣

好讀離騷

錢芸士好讀離騷手不暇揭忘去肉味半月如齋姑蘇記

採花浸酒

楊恂遇花時就花下取蕊粘綴于婦人衣上微用蜜蠟兼採花浸酒以快一時之意三堂往事

桃野蔬

郭元申家貧無食春月攜兒挑野蔬一日有餘三日不出叩頭錄

簇酒

辛洞好酒而無資常攜榼登人門每家取一盞投之號為簇酒叙開錄

雲每朱壘

雲仙散錄

卷

祭詩以酒脯

賈島常以歲除取一年所得詩祭以酒脯曰勞吾精神以是補之金門歲節

破磨齋

都下寺院每歲除破磨是日作破磨齋會風逸記

斂衣

伊處士從衆人求尺寸之帛聚而服之名曰斂衣搔首集

凌虛宴

齊文宣帝凌虛宴取香菌以供品味廣磨則出於石首銅官等虛銅釘菌分絲菌白度佛

桃花醋

唐世風俗貴重葫蘆醬桃花醋照水油晉公遺語

蟣肝龍首

毛重教授於導江春日主人宴之賦散語曰蟣肝之奉何堪龍首之攀可望主人曰吾勸以陸源鯖賞以柳綿

肝文房寶飾

筆描窻竹影

宗測樂閑靜好松竹嘗見日篩竹影上牕以筆備描之常新錄

糖蜜莫逆交

雲仙散錄

雲仙散錄

宗

陳昉得蜀糖輒以蜜澆之曰與蜜本莫逆交傳芳畧記

風月常新印宮人臂

明皇開元初宮人被進御者日印選以綢繆記印於臂上文曰風月常新印畢漬以桂紅膏則水洗不退史謹錄

念金輪咒

敲兩耳鐺服桂心丸念金輪咒則所思之人不以存沒是夜必夢見之畧事

水晶環渡舟

蕭整嘗登陸渾沙洲忽水漲不得下急呼村童折塵尾水晶環與之渡舟而過三賢畧

鳴牙餅

許康年謁劉遜贈遜鳴牙餅千枚曰雖微物也助廚中

兩日之費退耕傳

棠棣之好

李初直遇與人相知則曰棠棣之好何以過此喜慶倍

常叙聞錄

金蘭簿

戴宏正每得密友一人則書于編簡焚香告祖考號為

金蘭簿宣武盛事

鵬卵成花

雲每珠簾

雲仙散錄

三

向聲能於錯中以手撥鴨卵成花河中記

燭圍

韋涉家真使每婢執一燭四面行立人呼為燭圍長安後記

宴客典斟

陳無咎宴一客用一婢典斟必十二而後使滿以盡誠

敬之道洛部要記

金牌盈座

河間王夜飲妓女謳歌一曲下一金牌席終金牌盈座

豐盈傳

聚香圍

揚州太守仲端畏妻不敢延客謝廷皓謁之坐久甚饑
端入內袖聚香圍啗之揚州事迹

笑春紅

閩中參軍黃涉婢曰笑春紅死涉念之淚灑犀簾至皆

損壞蜀普錄

二花

阮文姬插鬢用杏花陶溥公呼曰二花河東備錄

三鹿郡公

袁利見為性頑獷方棠謂袁生已封三鹿郡公蓋譏其

太鹿鹿鹿疎也幽燕記

雲仙散錄

雲仙散錄

三

崑崙玉蓋

宇文卓方執崑崙玉蓋聽左丞檀超高譚不覺墜地青州雜記

坐間牡丹花

宋旻語常帶華藻李孺安曰時方三月坐間生無數牡丹花矣鄴郡名錄

杜鵑喚歸

石誼未娶聞杜鵑喚歸歎曰此物催人使歸使吾何所歸耶金臺錄

遇河神

顧希微開成二年遇河神屈莫多曰更二千年大江所在隄岸當崩沙九垓禹功記

口吻生花

張祐苦吟妻怒喚之不應以責祐祐曰吾方口吻生花豈恤汝輩白氏金鎖

贈詩勝爛黃魚

皇甫窳謁韓愈愈贈以詩窳退有言怒愈不為置酒愈曰豈不勝以爛黃魚待汝耶續鍾嶸句眼

折筯不休

山濤酒後哺啜折筯不休酒中

防風粥

白居易在翰林賜防風粥一甌剔取防風得五合餘食之口香七日金鑿密記

食蝨蚌

鹿宐孫食蝨蚌炙於壽陽篋中頓盡數器止戈集

羣公對雪

羣公對雪尙隆之曰麩堆金井誰調湯餅吳永素曰王滿天山難刻珮環坐間服其韻精姑臧記

屋瓦皆鏤

余宗伯屋瓦皆鏤竅穴千百雨則散如真珠用陳留瓦

則堅而易鏤三堂往事

三年不見羊角

皮蕃去北而復來鄱陽食竹笋曰三年不見羊角哀矣叩頭錄

採星盆

嵇昌蓄採星盆夏月漬果則倍冷叔聞錄

作翦刀

姑園戲作翦刀以苜蓿根粉養之裁衣則盡成墨界不用人手而自行搔首集

左撚巾拭面

雲仙散錄

雲仙散錄

雲

陽華用左撚巾拭面倍有光彩自慶傳

碑石

李輔國葬父碑石用豆腐一千團磨瑩如紫玉碑字四面鑿葵花三百朵晉公遺語

漬紙

以竹梢甘露和天南星漬紙一宿裁之刀去如飛文房寶飾

除夜歎老

裴度除夜歎老迨曉不寐爐中商陸火凡數添也金門歲節

印普賢象

玄奘以回鋒紙印普賢象施于四眾每歲五馱無餘僧園

逸錄

三辰酒

玄宗置麴清潭砌以銀甄泥以石粉貯三辰酒一萬車

以賜當制學士等史諱錄

桑木根可作沉香想

裴休得桑木根曰若作沉香想之更無異相雖對沉水

香反作桑根想終不聞香氣諸相從心起常新錄

卓蓋能與日輪爭功

韓愈刺潮州嘗暑中張卓蓋歸而喜曰此物能與日輪

爭功豈細事耶傳芳畧記

雲仙散錄

雲仙散錄

編

雷門四老石

王維輞川林下坐用雷門四老石燈滅則石中鑽火事

握麥芒刁字

牛僧孺進士時嘗麥芒刁字有謬誤隨手刪割點定三賢

點畧

麒麟草

元和時館閣湯飲待學士者煎麒麟草鳳翔退耕傳

魚藻洞

魚朝恩有洞四壁夾安瑠璃板中貯江水及萍藻諸色

蝦蟆魚藻洞南康記

鼻出黃膠

賀知章忽鼻出黃膠數盆醫者謂飲酒之過從容錄

數米而食

沈休文羸劣多病日數米而食不過一筋青陽記

廬墓日影為之不移

鄧寅廬墓墳土未乾日影為之不移隴上記

飼牛以天麻飯

青齊間遇春耕則飼牛以天麻飯仍用錦縷繫于角上

耕桑偶記

高麗絲結

雲仙散錄

雲仙散錄

壹

張均妓多麗彈琵琶曲項上有高麗絲結趙詩爭奪致傷二指辨音集

元夜食牛肺犯天樞使

梁鄴上元後忽髮變如血卜曰元夜食牛肺犯天樞巡使夜行禱謝可免影燈記

菖蒲成獅子鸞鳳狀

僧普寂大好菖蒲房中以菖蒲種成獅子鸞鳳仙人之狀海墨微言

鴨肝猪肚

王縉飲酒非鴨肝猪肚筋輒不舉醉仙圖記

吞花臥酒

虞松方春以謂握月擔風且留後日吞花臥酒不可過時曲江春宴錄

庭椿不染風

盧攜夢人贈句曰若問登庸日庭椿不染風初不解其言後數年攜拜相庭下古椿一株雖狂風驟雨不濕不搖鳳池編

屋竅如七星

鄭廣文屋室破漏自下望之竅如七星逢原記
日用斗麪為糊以供緘封

順宗時劉禹錫干預大權門吏接書尺日數千禹錫一
一報謝綠珠盆中日用麪一斗為糊以供緘封宣武盛事

麪如棗核而中空

楊挺游王鉷家食一物如棗核中空其實麪也挺詢其
法鉷笑而不言河中記

蕤賓鐵

樂工廉郊師於曹綱綱曰教授人多矣未有此性靈弟
子也郊常池上彈蕤賓調忽聞菱荷間有物跳躍出岸
乃方響一片有知者識是蕤賓鐵也指撥精妙致律呂
相應物類相感耳琵琶錄

截鞞留鞭

姚崇牧荊州受代日闔境民泣撫馬首截鞞留鞭以表

瞻戀開元天寶遺事

蜂蝶慕香風下今日如

都下名妓楚蓮者國香無及每出則蜂蝶相隨慕其香

自暖盃

內庫有青酒盃紋如亂絲其薄如紙以酒注之温温然
有氣相次如沸湯名自暖盃中御風人對音

遊仙枕

龜茲國進一枕色如瑪瑙枕之則十洲三島四海五湖

雲仙散錄

雲仙散錄

卷

盡入夢中帝名遊仙枕

辟寒犀

交趾國進犀一株以金盤置於殿中暖風襲人使者曰此辟寒犀也

喚鐵

太白山居士郭休有運氣絕粒之術以繩繫一鐵片子鳥獸聞之即集庭下名曰喚鐵

花裊

學士許慎與親友宴花園中聚花鋪座曰吾自有花裊何消坐具

風流藪澤

長安平康坊妓女所居新進士以紅牋名紙遊其中時謂此坊為風流藪澤

李太白少夢筆頭生花後天才贈逸名聞天下

吸花露

貴妃每宿酒初消多苦肺熱凌晨榜花枝口吸花露潤肺

雲每朱塵

雲仙散錄

長

含玉嚙津

貴妃素有肉體苦熱肺渴每日含一玉魚藉其涼津沃肺

夜明枕

魏國夫人有夜明枕光照一室不假燈燭俱同上

二鵲擲卵

嘉陵江上見二鵲擲卵相上下以接之蓋習其飛也其胎教之意乎又翅羽未成躍出巢穴往往墮崖而死其天性俊勇是亦躁進之類

山雞自愛

山雞自愛其色終日映水自眩則溺死

天心月脇

皇甫湜稱愈文曰穿天心出月脇

茗戰

建人謂鬪茶為茗戰

金鹿銀麋

天子北征曹奴之人觴天子于泮水之上賜金鹿銀麋今有地上得銀狍金狗之類皆賂夷狄奇貨穆天子傳

溫柔鄉

成帝謂合德為溫柔鄉曰吾老是鄉矣不能效武帝求

白雲鄉也樊嫫賀曰陛下真得仙者合德號為捷好后趙

傳外

六甲行廚

左慈明六甲能役鬼神坐致行廚葛洪

老子僕徐甲

老子西度關關令尹喜知其非常人從之問道老子大驚舌聃然故號老聃老子耳有三漏手握十文其僕徐甲約日直百錢自隨二百年計欠七百二十萬錢甲詣關令索所欠令問老子對曰甲久應死吾以太玄清生符救之得至今日使甲張口向地符出丹書文字如新

甲立成一聚枯骨令知老子神異叩頭請命復以符投骨上甲乃復生

龍牀

韓志和有道術憲宗時獻一龍牀坐則鱗鬣爪角皆動又於御前以蠅虎子數十分隊舞梁州曲皆中音節沈

九色鳳雛

東方朔游房林之野獲九色鳳雛洞真

懷夢草

鍾火山有香草武帝思李夫人東方朔獻帝懷之即夢

雲仙散錄

雲仙散錄

早

見名懷夢草上同

青鶴草

羽山之北有鳥曰青鶴聲如鐘磬世語曰青鶴鳴時太平拾遺

寶井

范蠡收四方難得之貨或藏之井壑謂之寶井麗色溢於閨房謂之游宮上同

瓊池金穴

光武皇后弟郭況家工冶之聲不絕人謂之郭氏之室不雨而雷東京謂況家瓊池金穴

流香渠

靈帝起裸游館千間渠水遶砌蓮大如蓋長一丈其葉夜舒晝卷名夜舒荷宮人靚粧解上衣著內服或共裸浴西域貢茵墀香煮湯餘汁入渠號流香渠

書倉

曹曾積石為倉以藏書名曹氏書倉

如願

有商人過清湖見清湖君君問所需商曰但乞如願君許之果得一婢如願即其名也商有所求悉能致之後因正旦如願晚起商人撻之走入糞壤中不見今人正

且以細繩繫綿人投糞掃中云乞如願

金壘玉膾

吳都獻松江鱸魚腸帝曰所謂金壘玉膾東南佳味也

南部烟花記

閃電窻

帝觀書處窻戶玲瓏相望金鋪玉觀輝映溢目號為閃

電窻

元白兩不相下富人贈神韻上卷卷內孤迥共懸

元微之白樂天兩不相下一日同詠李花微之先成曰

葦綃開萬朵樂天乃服綃陳也葦白而綃輕

高隱外書

仙人栢葉書

郭天民巧思橫生能摺書簡反覆如栢葉狀鄉人謂之

仙人栢書

安成記

張元厚家庖百品日日不變有蔡機缸二千盛貯皆滿

梁福廬記

硯中出白影珠

侯道昌因雨置龜頭硯於簷下承溜以滌之俄而滌破

硯硯中出白影珠十顆有患目者煮珠水洗之皆愈

馮正雲金谿記

陳蕃待客

陳蕃待客并飯以鹿脯菟羹以牛脯未嘗別為異饌董慎

續豫章記

桂人好食蝦蟆

桂人好食蝦蟆仍重乾菌為糝赴食者至以餘俎包歸

遺女兒雖汚衫不恥張洞林桂林志

霜露能染紅紫

鷺管山霜可染紫白庶潭露能染紅為天下冠恨人無

知者常奉真湘潭記

蒲桃髻

小兒髮初生為小髻十數其父母為兒女相勝之辭曰

蒲桃髻十穗勝五穗李明之衡山記

方囊盛金錢

富人賈三折夜以方囊盛金錢於腰間微行市中買酒

呼秦聲女置宴方德遠金陵記

千眼仙人赴東林寺

廬山遠法師命畫之曰山中峯澗寺落皆見于眼仙人

成隊執幡幢香花赴東林寺法師死乃止十三賢共注廬山記

洛如花

吳興山中有一樹類竹而有實似莢狀鄉人見之以問

雲仙散錄

雲仙散錄

星

陸澄澄曰名洛如花郡有文士則生張寶就印錄

虱念阿房宮賦

揚州蘇隱夜臥聞被下有數人齋念阿房宮賦聲繁而小急開被視之無他物惟得虱十餘其大如豆殺之即止清異志

甲乙膏

閩人二月好以豉雜黃牛肉爲甲乙膏非尊親厚知不得而預其家小兒三年一享浣沙聚地志

魚脊出金釵

寶歷中西陽人見釣魚師有魚腦貫黃交愛而買歸食

至脊上出金釵一隻長六寸唐餘錄

團沙捏成睡嵇康

房瑄少時曾至洲渚上團沙捏成睡嵇康甚有標態見者多愛之童子通神錄

樂音泉

強村有水方寸許人欲取之唱浪淘沙一曲即得一盃味大甘冷村人因名曰樂音泉立山記

石斧欲砍斷詩手

杜甫子宗武以詩示院兵曹兵曹荅以石斧一具隨使并詩還之宗武曰斧父斤也兵曹使我呈父加斤削也

俄而院聞之曰悞矣欲子砍斷其手此手若存天下詩名又在杜家矣出文覽

清水郎君

司馬伯殊買得鴨卵一枚非常珍重夜猶未食夢曰此卵乃徐龍幼子清水郎君也不殺將富姝乃放之三峯集

徐鳳儀杖

徐鳳儀有一杖直如筆管其後每年生一節二十年每年縮一節三月則杖之四面青赤白黑各開一花不知

何木也陶家餅餘事

劍生神芝則天下晏清

成都朱善存家世寶一劍每生神芝則天下晏清如安史黃巢之亂劍皆吐黑烟屬天不差豪釐玉塵集

聚芳園百花帶

宗測春遊山谷見奇花異草則繫于帶上歸而圖其形狀名聚芳園百花帶人多效之高士春秋

李花如飛

伍貫卿居沅陵家有李花一株月夜奴婢遙見花作數團如飛仙狀上天去花上露水倏然作雨數千點花亡矣樞要錄

矣樞要錄

起窠窻上

雲仙散錄

雲仙散錄

雲

江總為文次至吟詠得意則起棄於窗上不堪示則投置溷中久而文遂工矣文筆

蜜浸烏梅解宿醒

陳永陽王宿醒未解則為蜜浸烏梅每啖不下二十枚清醒乃已樵人直說

榕粉

小兒瘡痂以榕粉日傅之則易瘥而無痕出汗

灰山

無棣有灰山山南有石竅其中二麥無數取之不極三賢

嗜哈喇

吐突承璀嗜哈喇炙以鐵絲床數澆鹿角漿然後食傳

暉衣

穆宗以玄絹白書素紗墨書為衣服賜承幸宮人皆淫鄙之詞詩號暉衣至廣明中猶有存者史諱

三樣錢買二色酒

西門季玄造二色酒白酒中有墨花斟於器中花亦不散其中有肝石故也崔道旅以金銀銅錢來沽曰以我三樣錢買君二色酒欲辭得乎常新

大筍中有眼睛

裴晉公於藍田得一大筍被之有三四眼睛而香美過甚乃與爭序分食之晉公遺語

雨點螺磨紙

治紙之昏而不染墨者用雨點螺磨紙左右三千下其病去矣文房寶飾

沈休文多病

沈休文多病六月猶綿帽温爐食薑椒飯不爾則委頓自慶集

盲郭璞

路巖幼病有人稱善醫禳之術巖用之不效歎曰此盲

郭璞也搔首集

淨眼僧

傅法寺淨眼僧能用藥煮烏豆施人治百疾皆驗又以穢跡咒治痞破鐵城偈除鬼祟發無不捷僧園逸錄

竹節中神水

重五日午時有雨則急斫一竿竹竹節中必有神水瀝取和獺肝爲圓治心腹塊聚等病出金門歲節

釀換骨醪

憲宗采鳳李花釀換骨醪晉國公平淮西回黃杷金餅

恩賜二斗敘聞

畏薯藥

李輔國大畏薯藥或人因以示之必眼中火出毛髮皆
瀝血因致大病叩頭

分香蓮

三堂使宅有鉤仙池一種蓮子一歲再結實子十隻其
花時香兼桃梅黃菊郡人傳分香蓮不論錢三堂

雪竹搔頭

趙綸妻死遺雪竹搔頭於塔下不數日化為楊梅花朵
如撒時人異之姑臧前

遇棋仙

卞子京遇棋仙束帶拜金鑄紫堂仙仍坐于席上勝克
之利萬不失一手參

焚杜甫詩飲以膏蜜

張籍取杜甫詩一帙焚取灰燼副以膏蜜頻飲之曰令
吾肝腸從此改易詩源

七井生涼

霍仙鳴別墅在龍門一室之中開七井皆以雕鏤木盤
覆之夏月坐其上七井生涼不知暑氣雲林異

八角玉升

善海朱塵

雲仙散錄

異

宣帝時西域但隨國貢八角玉升夏以水澆之則無暑
冬以火迫之則無寒異事甚衆逢夏記

周字知唐必典

則天初稱周方具告天開文有吏人見大周字上有兩
仙童長二三寸執刀剗削斯須視之失去周字人知唐
必復興鳳池編

曲江春遊

曲江春遊之家以脂粉作紅餽竿上成雙挑掛夾雜畫
帶前引車馬曲江春遊錄

毛詩卷染油代燭

倪芳飲後必有狂怪恬然不恥或以毛詩卷染油代燭

醉遊徹曉醉仙圖記

眉睫間常化佛

清涼僧海豐苦行二十餘年人見其眉睫間常化佛千
百大如黍米往來遊行已不覺也清涼僧海

好李花致富

終南及廬岳出好李花兩市貴侯富民以千金買種終
廬有致富者耕桑偶記

一物如人眼睛

蕭餘上元夜於宣陽里酒盤下得一物如人眼睛其體

類美石光彩射人餘夜遊市肆閑置掌中每行黑闇衢巷隨身光明三尺毫末可鑒後因而飛出影燈記

造笙

初造笙每管中入荻根細沙一豆許遇吹時飛砂於中激揚聲愈清徹近世樂工未有知者惜夫辨音集

喬敷嗜魚

喬敷嗜魚而貧日向漁人貸食漁人送魚一斤則以白堊標門記之後日償價年律一終白堊盈門隴上書

浮陽筍

九華小民浚池得物狀類竹根旁有一銘曰浮陽筍太

古孕舉投醬缶三年不盡民不識字使人讀之試以豆一斗造醬投物其中果三年不滅時逢道士清陽記

爪甲間皆出雲烟

魏郡開成中太旱徧禱山岳或言西沈陸先生道行精明請之必驗太守以下乃攜杏酒青羊以備牲醪告于山中先生受禮訖對太守呼吸數過五指連拂之爪甲間皆出雲烟之氣惟中指氣象甚盛先生曰郡中雨得足諸縣皆獲八分亦可小稔已而其說不誣從容錄

石魚

南康有狂人周可大見魚必置數十頭食魚棄于几上

人謂隨卽臭腐可大以手摩之皆爲石魚後年餘友人訪之見其紙裏石魚煨以啖客新香不異常魚逍遙公南康記

王母惜黃中李過蟠桃

西王母居龍月城城中產黃中李花開則三影結實則九影花實上皆黃中二字王母惜之過于蟠桃與紫陽真官博戲則以一二百枚遞分勝負集真記

重黎盞酌水

宣武判官洪子昇延嵩山鍊師在宅值大雨堦庭彌滿欲上堂戶子昇有憂色鍊師取懷中重黎盞酌水不滿盃而庭砌隨已乾矣宣武盛事

時元亨鍊真

方山道人時元亨鍊真厭世三十餘年精唾涕淚俱惜之七十髮不白走如奔馬宋先生曰吾以小術令此子三日卽死乃于酒中以羊豕腦一伴啖之元亨不覺也飲罷便苦頭痛下痢明日便出如剝淨雞肉者二三升許又明日元亨果卒河中記

孫逢年好酒色老不衰

長安孫逢年日一醉無虛席妓妾曳綺羅者二百餘人晚年衰憊齒皆蚶齲空虛如樓閣而舊好不衰長安箋記

王維居輞川地不容塵

王維居輞川宅宇既廣山林亦遠而性好溫潔地不容
浮塵日有十數掃飾者使兩童專掌縛帚而有時不給
洛陽要記

磁石益眼

益眼者無如磁石以為益枕可老而不昏寧王宮中多
用之豐寧傳

魚喜鹿胎香

揚州太守閻邱惠會僚友于轉沙亭集境內漁戶令曰
所得魚多者有金帛之賞有一漁人以肉物作塊散懸
于網上取魚倍衆力凡十網得魚三千六百無甚小者

衆慚而退太守詢之曰魚喜鹿胎之香適散懸者乃此
物也下網召之萬魚畢聚矣揚州事跡

降魔寺僧以名召魚

東川降魔寺僧吉祥魁梧多力受飯五鉢日夜誦經九
函池中魚知其數以名召之皆出水面使去即沒蜀普錄

并代人喜嗜麵

并代人喜嗜麵切以吳刀淘以浴酒漆斗貯之繫鼓集
老幼自以多寡取之至飽河東備錄

鶴識字

衛濟川養六鶴日以粥飲啖之三年識字濟川檢書皆

使鶴銜取之無差

金城記

洗心糖

茅地經冬燒去枝梗至春取土中餘根白如玉者搗汁煎之至甘可為洗心糖

幽燕異記

桃花絲

青齊間有一種桃李盛開時垂絲至二三尺採之練以松脂遞相纏結織成鞋履寄往都下人皆不辨何物

雜記

秘密泉

甘塘社有一水方丈瑩潔春夏不竭旱則禱之應時雨

下然牛馬猪羊飲之肥澤雞鴨鶩雁飲之必死鄉民緣可救旱號秘密泉

鄴郡名錄

怯夜幡

胡陽白壇寺幡刹日中有影月中無影不知何故因號怯夜幡

金臺記

魚鼈隨世安危

大禹治水功成令江淮河海神曰魚鼈衰盛隨世安危自此之後年必小減使其價遞增以食晚末之民應天意也

禹功記

書冊以竹漆為糊

凡書冊以竹漆為糊逐葉微攤之不惟可以久存字畫兼紙不生毛百年如新此宮中法也白氏金鎖

真脫絲布

人之為文語意疎慢者真脫絲布文士之病莫大乎此鍾嶸句眼

入酒中沐浴使髮識味

石裕方明造酒數斛忽解衣入其中恣沐浴而出告子弟曰吾平生飲酒恨毛髮未識其味今日聊以設之庶無厚薄酒中玄

龍口渠

翰林有龍口渠通內苑大雨之後必飄諸花蓋經由而出有百種香色名不可盡春月光妙金鑿密記

口中現五色牙齒

孔幾好術藝延接方士多所傳授能口中現五色牙齒彩色光絢一瞬即改止戈集

李有九標

蕭瑀陳叔達於龍昌寺看李花相與香雅細淡潔密宜日夜宜綠鬢宜白酒承平舊集

斗盆燒乳頭香

曹務光見趙州以斗盆燒乳頭香十斤曰財易得佛難

求舊相神學錄

鼠精李

王侍中家堂前有鼠從地出其穴即生李樹花實俱好此鼠精李也好事集

豬肝中有識書

白蒲民割豬肝肝中有一紙大如手色如新書云煙蒼蒼明年無糧次年巢寇起州郡多荒纂異記

酒魔

常元載不飲羣僚百種強之辭以鼻聞酒氣已醉其中一人謂可用術治之即取針挑元載鼻尖出一兩蟲如

小蛇曰此酒魔也聞酒即畏之去此何患元載是日已飲一斗五日倍是山記

糠市

洛陽振德坊皆貧民例享糟糠之薄賀知章目為糠市從審錄

品物互徵古事

房璘至人家凡閱四筵摘其品物互徵古事一切當河中記

一杯羹三萬錢

李德裕奢侈每食一杯羹其費約錢三萬雜珠玉寶貝

雄黃朱砂煎汁為之過三煎即棄其滓博異志

縑繫南山樹

明皇問富人王元寶家財多少對曰請以一縑繫陛下南山樹南山樹盡臣縑未窮同上

心織筆耕

翰林盛事云王勃所至請託為文金帛豐積人謂心織筆耕北里志

燕奴

有術士於腕間出彈子二九皆五色叱令變化即化雙燕飛騰名燕奴又令變即化二小劍交擊須臾復為丸

入腕中洞微志

三斗爛腸

殷洪遠云周旦腹中有三斗爛腸金樓子

始皇遣徐福入海求金菜玉蔬并一寸檣

無腸公子齊風出丸公濟慈出林齊風出丸

蠶曰無腸公子龜曰先知君齊風出丸蘇東王父

駭雞犀

通天犀中有白文如絲者置米其上以飼雞雞見驚走名駭雞犀刻為魚形持入水水輒開抱樸子

天鼓

雷曰天鼓雷神曰雷公香置米其上以酬饗饗具饗去

虎狼稱呼五名

山中寅曰稱虞吏者虎也稱當路君者狼也稱東王父者麋也西王母者鹿也成陽公者狐也社君者鼠也

鵲巢獺穴

鵲巢知風之所起獺穴知水之高下暉日知晏陰諧知

雨鳩鳥雄為暉日雌為陰諧出淮南子

靈運鬚

謝靈運美鬚臨刑施南海祇洹寺為維摩詰鬚寺中寶

惜中宗時安樂公主五日鬪百草遣人取之仍翦棄其

餘國史纂異

沒了期

錢鏐封吳越王工役大興士卒嗟怨或夜書府門曰沒了期沒了期修城纔了又開池鏐出見之命吏書曰沒了期沒了期春衣纔了又冬衣嗟怨頓息五代史補

拔釘錢

趙在禮在宋州所為不法百姓苦之一日制下移鎮永興百姓相賀曰眼中拔卻釘矣可不快哉在禮聞之上表乞還鎮朝廷許之在禮每日率錢一千號拔釘錢送

獲百萬

釜中龍

南唐詩有蒼頭持龍水圖來貨或得之將練為衣忽釜中雲蒸見二龍騰躍穿壁而去

黃紙寫勅

貞觀中太宗詔用麻紙寫勅詔高宗以白紙多蟲蛀尚書省頒下州縣並用黃紙

食玉炊桂

蘇秦至楚三日乃得見王辭行王曰曾不少留對曰楚國食貴于玉薪貴于桂謁者難得見如鬼王難得見如

天帝臣食玉炊桂因鬼見帝王曰聞命矣戰國策

銅鶴樽

韓王元嘉有一銅鶴樽背止注酒則一足倚滿則正不滿則傾側朝野僉載

鵲尾杓

陳思王有鵲尾杓柄長而直置之酒樽凡王欲勸飲者呼之則尾指其人

麒麟植

唐楊炯每呼朝士為麒麟植或問之曰今假弄麒麟者必修飾其形覆之驢上宛然異物及去其皮還是驢耳

無德而朱紫何以異是
陸餘慶為洛州長史善論事而謬於決判時嘲之曰說
事即喙長三尺判事則手重五斤

鳳閣侍郎杜景儉文章知識並高遠時號鶴鳴雞樹

鳩集鳳池

王及善才庸猥為內史號鳩集鳳池

金剛舞夜叉歌

隋諸葛昂高瓚爭為豪侈昂屈瓚串長八尺餅潤丈餘

餒羸如柱酒行自作金剛舞以送之瓚復屈昂以車行
酒馬行肉確斬鱸碾齏蒜自唱夜叉歌以送之俱同上

傳座

長安風俗元日以後遞飲食相邀號傳座南部新書

寶苗

山中有葱下必有銀有薤下必有金有薑下必有銅錫
山中有王者木旁枝下垂謂之寶苗

築糠三尺

新羅人泛海漂墮鬼國鬼執之曰汝能與我築糠三尺
乎汝欲鼻長一丈乎其人請築久不成乃為鬼拔其鼻

如象西陽雜俎

翻綽入水翻綽曰此與海鏡三只

玄宗常令左右提翻綽入池水中復出口向見屈原笑

臣爾遭逢聖明何亦至此同上

龍巢翻龍巢夷陵江或浮大水蔽塞水面土人謂之龍巢北夢瑣言

見李思戒見李思戒

明宗不豫馮道人問因指果實曰如食桃不康他日見

李思戒李思戒

一步一計一步一計

李克用入魏博覘之城上有旗幟來往晉王曰劉鄩一

步一計更令審探果縛芻為人縛旗於上以驢負之循

城而行鄩軍遁已二日矣俱同上

九花虬

代宗時范陽貢馬額高九寸真虬龍也身被五花紋號

九花虬後以賜郭子儀杜陽雜編

上清珠

開元初屬賓國王貢上清珠光照一室有仙人玉女雲

鶴搖動其中有水旱兵革之災虔視無不應驗同上

五花館

雲仙散錄

雲仙散錄

雲仙散錄

雲仙散錄

雲仙散錄

雲仙散錄

雲仙散錄

雲仙散錄

雲仙散錄

雲仙散錄

雲仙散錄

雲仙散錄

雲仙散錄

荆南舊有五花館待賓之上地也故眩上成納詩曰不
是上台憐姓字五花賓館敢從容南部新書

會稽人張然滯役經年不歸婦與奴私通然養一狗名
曰烏龍後然歸奴懼事覺欲謀殺然狗注睛視奴奴方
興手烏龍盪奴奴失刀杖然取刀殺奴續搜神記

藝海珠塵

子部小說類

南淮 吳省蘭 泉之輯

南淮 王惟謙 建侯校

燕魏雜記

呂頤浩纂

頤浩字元直其先樂陵人徙齊州登進士第歷中書門下平章事封成國公加少傅卒贈太尉秦國公諡忠穆有集十五卷

相州北三十五里梨園鎮有西門豹祠堂史記載西門
豹嘗為鄴令敘河伯娶婦事甚詳豹發民引漳河水鑿
十二渠引河水灌民田當時民治渠老少皆煩苦之豹
曰民可與樂成不可與慮始今父老子弟雖患苦我然

百歲後期令父老子弟思我言其後民果得其利家以
富足至漢時鄴之長吏以十二渠橋相比近徑絕馳道
欲合三渠爲一橋鄴民父老皆不從曰此西門君所爲
不可更也長吏終不能易故西門豹祠至今祭祀不絕
懷相二州境上有朝歌城傳曰里名勝母曾子不入邑
號朝歌墨子回車此地也

北京真定府西至獲鹿縣七十里又九十里至井陘縣
縣東近十里井陘口有淮陰侯廟韓信常置背水陣於
井陘口按信傳信遣人閒探陳餘不用廣武君策乃敢
進兵走至井陘口三十里止舍此其地也韓魏公題詩

云破趙降燕漢業成兔亡良犬日圖烹家僮上變安知
實史筆加誣貴有名功蓋一時誠不泯恨埋千古欲誰
明荒祠尙枕陘閒道澗水空傳哽咽聲

真定府南三十里道旁有趙王廟破屋數間僅庇風雨
讀其碑非趙王歇乃成安君陳餘廟韓信傳云斬成安
君於泚水上今泚水在其北伐趙由井陘路入僕嘗過
井陘縣今天威軍是也李左車所謂車不得方軌騎不
得成列真控扼之地使陳餘納廣武君言信安能越井
陘破趙哉豈歷數歸漢人謀不能支耶

涿州西南二十里有蜀先主廟以關羽張飛配鄉老言

祖父相傳先主故居也廟左右大木環繞云先主為兒
童時嘗戲於木下所說與蜀志所載畧相合

李邕以文章氣節聞天下字畫尤工李嶠張廷珪薦邕
文高氣直嘗為北海太守天下名為北海李林甫素所
不喜遣羅希奭殺之杜甫作八哀詩云憶昔李公存詞
源有根柢又云干謁走其門碑碣照四裔今邕碑見於
世者尚多燕山府良鄉縣有邕所書雲麾將軍李公神
道碑筆勢豪放尤可愛重金人不學書不知碑之存亡
可惜也

唐李賀金銅仙人辭漢歌造語奇特首云茂陵劉郎秋

風客指漢武帝言也今長安西有茂陵古冢巍然乃漢
武帝陵墓又云魏官牽車指千里此言魏武帝遣人遷
金銅仙人於鄴也又云官將漢月出宮門憶君清淚如
鉛水此語尤警拔非撥去筆墨畦徑安能及此世傳金
銅仙人被遷自有淚下事雖不經亦可駭矣今鄴城荒
廢居民纔數十家昔時宮殿化為荆棘所見者千仞之
西山耳所謂金銅仙人安在哉

古云馬出冀北故韓退之送溫造序云伯樂一過冀北
之野馬羣遂空今河北冀州不產良馬此所謂冀北者
疑今秦州是也按隗囂傳漢光武遣吳漢耿弇攻囂囂

將妻子奔西城原注今秦州上邽縣及置將陳元等決圍死戰漢軍退陳元遂入城迎歸歸冀今秦州接連熙河州及清唐羌界乃自古產良馬之地宋朝以茶易馬於秦州置提舉茶馬司凡中國戰馬皆自此路得之豈其地耶僕雖嘗以職事到秦州然未詳所以君子於不知蓋闕之以俟博古者考焉

大名府雷宮門街東有何公德政碑乃魏博節度使何進滔碑也柳公權撰并書公權書畫冠絕當代文宗嘗歎美其書曰鍾王無以尚也當是時大臣家碑誌非其筆人以子孫為不孝此碑字大而尤為端謹嚴重魏人

愛之碑樓極宏壯故歲久而字不訛缺按唐史進滔治魏十餘年民安之後累遷檢校司徒同中書門下平章事宣和年間內侍譚正奉使河朔遂磨滅此碑邦人憤恨可惜也

杜牧罪言以謂山東之地王者不得不為王霸者不得不為霸猾賊得之足以致天下不安其確論乎所謂山東者蓋指太行山言之今河北路州軍皆山東之地也故牧曰禹畫九土曰冀州程其水土與河南等其人沈鷲多材力重許可能辛苦教五種習兵矢又產健馬下者日馳二百里所以兵常足以當天下唐自安史之亂

盡失河北地至穆宗時兩河底定朝廷悉收三鎮而劉
總又以幽冀七州獻於朝且懼部將爲亂乃先籍豪銳
不檢者送京師而朱克融在籍中於時宰相崔植杜元
穎不知兵謂藩鎮且平不復料天下安危克融等羈旅
寒躡願得官自效日訴於前皆抑而不與及遣張宏靖
爲盧龍節度使縱克融等還俄幽州亂推克融爲雷後
縱兵南掠自是復失河朔終唐之世不復得河北矣皇
甫湜有言昔者神堯以一旅取天下而後世子孫不能
以天下取河北蓋痛憤之辭也

忠獻韓王趙普保州人相太祖太宗開基創業謨謀行

事具載國史公於真定府居今真定府大會院乃其故
宅府城有廟邦人奉之甚謹真定府乃常山郡唐成德
軍節度使治所王鎔承祖父百年之業士馬彊而蓄積
厚爲唐世藩臣鎔承襲年雖少藉其家世以取重方唐
末諸鎮相敝於戰鬪而趙獨安樂王氏無事飾亭宇事
嬉游今真定府使廨雄盛冠於河北一路府城周圍三
十里居民繁庶佛宮禪刹掩映於花竹流水之間世云
塞北江南府治後有潭園圍九里古木參天臺沼相望
蔡京知府日拆王武俊德政碑樓於園爲廣廈今熙春
閣是也鎔乃武俊之孫

東嶽廟在兗州奉符縣封天齊仁聖帝西嶽在華州華陰縣封金天順聖帝南嶽在潭州衡山縣封司天昭聖帝中嶽在西京登封縣封中天崇聖帝唯北嶽在大茂山山大半陷敵境移廟于中山府曲陽縣縣在中山府北七十里封安天元聖帝殿前有一亭沈括筆談載亭中有李克用題名云克用親領步騎五十萬問罪幽陵乃出兵討盧龍節度使劉仁恭時畱題也
李師中字誠之少擢進士第兼資文武有經濟才仕至天章閣待制嘗爲秦鳳路經畧使高陽關路安撫使兼知河開府治邊有威名邦人畏愛至今欽頌元豐年間

王安石變更祖宗法度會有災異神廟詔求直言師中上書其大概云皇天改容比屋咸慶當此之際不言謂何天生愚臣蓋謂聖世文武之道識其大者是時司馬光蘇軾蘇轍方以言王安石新法不便於民被譴師中因言願詔司馬光軾轍赴闕條問急政神考批出云李師中朋邪罔上愚弄朕躬撫其姦誣所宜不赦遂落職竄逐後歲餘神考感悟乃令分司南京鄆州居住其謝表云伏念臣抗疏仁朝卑囊猶在受知先帝訓誥具存爰持此心以事陛下以憂國爲心故有二三之論以愛君爲志故無喜愠之私進微卓爾之能退守浩然之正

易衰之柳既已分於先顛後拔之葵終不移於所向伏
遇皇帝陛下還臣舊物分務別都便臣家私許在汶上
有田園衣食之計更欲何求雖天地父母之恩不過如
此又曰臣謹當刻骨銘肌研精潭思頌一時之盛事庶
幾清廟之聲詩告三代之成功敢後泰山之父老一時
士大夫讀其文者莫不嘉歎而憐之師中汶上人蘇軾
尤尊禮之軾與交游書云李六丈者謂誠之也

李師中文章外詩什尤高嘉祐間唐介子方以言切直
忤仁廟被責誠之以詩送行云孤忠自許衆不與獨立
敢言人所難去國一身輕似葉高名千古重於山並游

英俊顏何厚未死姦諛骨已寒天爲吾皇宗社計肯教
夫子不生還此詩士大夫莫不傳誦在高陽關有詩云
鑑中雙鬢已蹉跎無計重揮卻日戈已是園林春欲暮
那堪風雨夜來多詩成白也知無敵花落虞兮可奈何
下闕

賈昌朝除武勝軍節度使判大名府妖人王則謀舉大
名及河南北使其黨投檄於大名昌朝疑其爲姦考問
具服則以事急遂據貝州反昌朝遣兵進討而朝廷已
發兵討賊平之移昌朝山南東道加檢校太師陽借言
賊發昌朝所部至遣大臣乃能平有罪不合賞朝廷不

從借言嘉祐元年以樞密使召罷侍中而以同中書門下平章事爲樞密使三年諫官御史言昌朝別爲客位以待宦官乃出知許州改左僕射觀文殿大學士判尙書都省薨年六十八歲諡曰文元

趙師旦單州人頃知康州儂智高叛旣破曹州列城長吏望風棄城遁惟師旦聚兵三百人與賊血戰康州無城壁賊入城師旦坐廳事智高麾兵而入欲脅師旦降師旦罵賊被害賊平朝廷恩數甚厚

後唐莊宗之末趙德鈞鎮幽州於鹽溝置良鄉縣又於幽州東五十里築城皆戍以兵及破赫邈等又於其東

置三河縣由是幽薊之人始得耕牧而餉可通至晉石敬瑭卽位割幽州涿薊檀順瀛莫蔚朔雲應新媯儒武寰一十六州以入於契丹至本朝太宗皇帝時易州又陷於契丹環地千餘里淪於絕漠不復爲王民可勝歎哉

北京隆興寺佛殿兩楹簷下有魏宮彈棋局魏文帝時款識存焉王欽臣賦詩云鄴城臺尉付塵埃玉局依然獨未灰妙手一彈那復得寶奩當日爲誰開飄零久已拋紅子埋沒惟斯近紫苔此藝不傳真可惜摩挲聊記再看來此局因沈積中爲朔漕進入禁中不復見矣彈

藝海珠璣
六
棋一藝今亦不傳於世欽臣字仲至仕至吏部侍郎博
學善屬文尤工於詩

衛州共城縣北門外三里羣山聳秀壁立于仞山下衆
泉湧出於地泉底皆碎石清激可鑿鬚髮浸灌十餘里
匯爲御河元祐年開黃河行河東北路自大名府東流
入永靜軍由滄州至獨流寨入海故御河之水入北京
城由恩州接塘泊以通漕運紹聖以來大河行河北西
路御河永灌大河漕運遂不通自中原陷沒堤防圯壞
大河自滑州入曹州廣濟軍濟州注梁山泊至南清河
趨入海今南河故地變爲桑田詩云高岸爲谷深谷爲

陵可歎也

子部小說類

祁州城堅池深與安肅廣信軍犬牙相制以捍北戎北
城之巔有清風樓元豐年閒先公爲本州司理是時河
北大儒李洪巨川有詩題清風樓先公屬和云祁陽要
郡冠邊州池壘深高北控幽欽岸綠楊浮水面銜山紅
日照簷頭立功慷慨思投筆鸞已卑汚恥飯牛獨使燕
然銘漢德百年忠憤遣人愁時韓子華絳帥中山路見
詩喜之遂剡薦

良知良能者略不相及也善乎李之彥之言曰自斯言
入于胸中未得志之時已萌負義歿得志之後恣其

詩書之發微 門外三聖山 谷秀壁立于何山下 衆
然雖對新百半忠 謝人想却轉于華 錄中山 迺具
日 照 豈 立 也 謝 思 姓 華 鬻 日 卑 新 頌 贈 半 謝 與 燕
涿 玩 戲 此 此 壘 築 高 其 豈 幽 煇 阜 嶽 巒 雲 水 面 奇 山 珠
井 大 需 卒 姓 日 川 自 指 賦 謝 風 對 武 公 羅 味 云 脈 題 要
烈 之 嶺 育 壽 風 對 元 豐 年 閔 夫 公 爲 本 此 何 豈 景 報 何
脈 此 姓 望 此 聚 興 安 康 置 前 軍 大 反 賦 時 以 賦 此 姓 此
蜀 石 漢 也 南 河 故 地 變 爲 桑 田 詩 云 高 岸 爲 谷 深 谷 爲

藝海珠塵

子部小說類

南 滙 吳 省 蘭 泉 之 輯
婁 縣 王 朝 恩 笙 龢 校

叩舷憑軾錄

姜 南 簷 里 貫 已 見

勸學文

勸學文一篇宋荆國王文公安石之作也通篇皆以肥
家潤身之利啟導學者所謂孝弟忠信禮義廉恥養其
良知良能者略不相及也善乎李之彥之言曰自斯言
一入于胸中未得志之時已萌貪饕既得志之後恣其

妻弟孫瑄
培克惟以金多爲榮不以行穢爲辱屢玷白簡恬然自如雖有清議真之不恤然司白簡持清議者又未必非若人也毋怪乎玩視典憲爲具文一切實廉恥於掃地氣習日勝若根天真惟知肥家庇族而已亦不知其爲蠹國害民也得非蔽鋼於勸學文而然耶是固不可不深責貪饕之徒亦不可不歸咎於勸學文有以誤之也

論曹操

宋景文公用曹操忌孔融崔琰殺之操之字爲弗裕矣孫權引殺融爲比而斥虞翻誅張溫權之量又下矣待賢少忌唯劉備爲綽綽云又曰荀彧之於曹操本許以

天下及議者欲加九錫彧未之許非不之許欲出諸已耳操不悟遽殺之然則天奪其爽以誅彧寧不信乎此論深爲有見然曹操尙不能容物已見唐崔塗之詩而荀彧之志杜牧亦嘗道及之矣

詩含怨刺

嘉興陳漢昭顯能詩嘗題枇杷山鳥圖云盧橘垂黃雨滿枝山禽飽啄已多時那知歲晏空林裏竹實蕭疎鳳亦飢此詩怨刺之意見於不言之表較孟浩然不才明主棄及薛令之首宿長闌干之句辭雖隱而意愈露矣

題趙子昂畫馬

藝海朱塵

叩舷憑軾錄

姑蘇沈石田啓南嘗有詩題趙子昂畫馬云隅目晶熒
耳竹披江南流落乘黃姿千金千里無人識笑看胡兒
買去騎西涯李文正公亦有一絕云宋家龍種墮燕山
猶在秋風十二閑千載畫圖非舊價任他評品落人家
二詩之意皆惜子昂事元之非也

宋仁宗明恕

宋仁宗時程天球判大名府有營兵背生肉蜿蜒如龍
程囚其人于獄具奏于朝上覽奏笑曰是人何罪哉此
贅耳卽令釋之而其兵輒已死上頗疑之一日對輔臣
言大名府兵士肉生于背已足病也又從而禁繫之安

得不死其後天球在延州累立功上欲大用之輒止曰
向來無故囚人至今念之也夫以唐太宗之賢猶殺李
君羨而周世宗見臣下有方面大耳者皆去之生於疑
故也仁宗於此其過二君遠矣諡之曰仁宜哉

按察司官不糾劾

永樂己丑車駕北征遣都指揮吳玉徵兵湖廣玉貪暴
失期上怒謂湖廣按察司官不糾劾皆謫楊青驛給役

慶樂園詞

張叔夏過錢塘西湖慶樂園賦高陽臺詞自序云慶樂
園韓平原之南園也戊寅歲過之有碑石在荆棘中惟

存古桂百餘故末句亦有猶今之視昔之感 古木迷
雅虛堂起燕歡遊轉眼驚心南圃東窗酸風掃盡芳塵
鬢貂飛入平原草最可憐渾是秋陰夜沈沈不信歸魂
不到花深 吹簫踏葉幽尋去任船依斷石袖裏寒雲
老桂懸香珊瑚碎擊無聲故園已是愁如許撫殘碑又
却傷今更關情秋水人家斜照西林余嘗讀此詞不覺
爲之增歎再三夫花石之盛莫盛於唐之李贊皇讀平
泉莊記則見之矣而宋之艮嶽至南渡愈盛而臨安園
囿如此者不可屈指數也今誰在耶余爲童子時見所
謂慶樂園者其峯磴石洞猶有存者至正德間盡爲有

力者移去矣杭城中假山稱江北陳家第一許銀家第
二今陳家者已驚之而拆去矣止遺一坎許氏者自余
結髮已來不三十年已七易主矣吁此奢僭之尤者也
君子貽厥孫謀當訓之以勤儉慎毋蹈此而取誚於後
人焉余因讀叔夏之詞重有感也於戲

過宋陵詩

陳橋驛畔勢倉皇點檢歸來作帝王玉斧不揮螳後雀
朱牌空寫火中羊早知金狄無誠約何必珠襦有謾藏
泥馬南來成底事江邊白塔更淒涼此鄉先達存齋瞿
先生宗吉過宋陵之作無限傷悼不平之意見乎其辭

斧鉞寓於吟詠之內也

羅結

人以太公望年過八十始遇文王佐成周業而伐紂救民以安天下為古今大老一人而已嘗讀北史魏以河內鎮將代人羅結為侍中外都大官總三十六曹事結時年一百七精爽不衰魏主以其忠慤親任之使兼長秋卿監典後宮出入臥內年一百一十乃聽歸老朝廷每有大事遣騎訪焉又十年乃卒結雖不敢比望然其壽考亦古今大臣之所罕有也

僧可觀入院詩

宋乾道七年丞相魏公杞出守姑蘇請僧可觀主北禪院入院之辰適值重九指座云臂中一寸灰已冷頭上千莖雪未消老步只宜平地去不知何事又登高魏公擊節不已呼使老而貪得升高歷險而不知戒其聞此詩也亦有所悚動其中乎

作粥救饑

元大德十一年杭州大饑官設粥仙林寺中饑民殍死不為衰止何長者敬德以施民振乏為事乃請杭好善而有財智者五七人即菩提寺作粥夜鬻竄大壽中明旦饑民以至先後列堂廡下或溢出門外道上相向坐

虛其前以行粥用兩人舁一人執杓以注器中食已以次去日鬻米七八石至十石始六月至八月凡七十日饑民無死者石塘胡先生長孺云往歲湖州作糜食饑人糜脫釜猶沸湧器中人急得食食已輒仆死百坊間長者夜作粥貯大甕中蓋懲湖州事也有意哉

東海翁自評

東海翁張先生汝弼稟識奇異充之學問老且不倦爲文章典雅深厚詩清健有風致草書之妙論者至推爲一代冠冕然世所謂文人者類近浮薄先生惇尚行履慨然以風節自持雖論議間雜諧謔而必以理勝嘗自

評其所能曰人以書名我吾自視文爲最詩次之書又次之其他則非所敢知也然羅一峯倫以言事忤大臣去國先生慨然作詩送之及守南安謝病歸民相與立生祠嶺下又數請縣移文候安否則其爲政可知矣

黃堂

黃堂卽吳郡廳事乃春申君子假君之殿也後太守居之以數失火塗以雌黃遂名黃堂今天下郡治皆名黃堂昉此或謂以黃歇之姓名堂或謂二說皆非古者太守所居黃堂猶三公之黃閣也綱素雜記天子曰黃閣三公曰黃閣給事舍人曰黃扉太守曰黃堂見姑蘇志

炎涼得失 東陽子俞子曰人之一身已自有輕重足履穢惡則不甚介意若手一沾汚浣濯無已豈可怪世情之炎涼也哉舊有題湯泉者最爲該理如云比鄰三井在山岡二井冰寒一井湯造化無私猶冷暖爭教人世不炎涼又云人之得失各自有時初不知其所以然而然也有朋友於試罷之後聞望不著遂欲舍書學劍無所不至龍舒王先生舉一絕曰得則欣欣失則悲桃紅李白各隨宜雖然屬在東君手問著東君也不知夫炎涼在人得失有命君子修其在我者而已炎涼得失何預於心哉

不用隸卒勾攝

宣德間全椒章惠知温州之平陽縣奉公愛民理繁就簡凡百公務不差隸卒勾攝止用粉版背繪刻隸卒甲乙爲次傳遞勾攝題其版曰不貪不食與民有益人隨牌至庶免譴責人咸信服不敢稽違由是案牘清簡囹圄空虛

題四皓奕棋圖

威寧伯王襄敏公越題四皓奕棋圖云暴楚強秦一局收不應末著又安劉就中諸呂真勅敵賴得旁觀有絳侯朱克粹云一局殘棋尙未終白頭何事到青宮可應

千里冥飛翼卻墮劉侯智網中二詩威寧之辭意勝也
東軒鶴窗詞

臨川聶東軒先生大年作小詞二闕云楊柳小蠻腰慣
逐東風舞學得琵琶出教坊不是商人婦 忙整玉搔
頭春筍纖纖露老卻江南杜牧之懶為秋娘賦 粉淚
濕鮫綃只怨郎情薄夢到巫山第幾峰酒醒燈花落
數日尚春寒未把羅衣著眉黛含顰為阿誰但悔從前
錯予師鶴窗翁和之序云臨川聶大年先生嘗作卜算
子二闕予自童子時誦之至今不忘歲晏風雪夜坐無
繆取而歌之孤懷悄然因和其韻云歌得雪兒歌舞得

霓裳舞料想前身跨鳳仙合作蕭郎婦 顏色雪中梅
淚點花梢露雲雨巫山十二峰未數高唐賦 花壓鬢
雲低風透衫羅薄殘夢曹騰下翠樓不覺金釵落 幾
許別離愁猶自思量著欲寄蕭郎一紙書又怕歸鴻錯
二公之作可謂鏗金戛玉矣

中秋啓

宋趙祖穎奇謝景思偁同在太學值中秋趣人作會啓
云庾亮樓邊漸觀掛簷之月揚雄宅畔蔑無載酒之人
方孤坐以無聊欲就眠而未可伏惟某輕財有宋家之
度量好客繼鄭莊之風流酒滿樽中屢極詼諧之飲錢

流地上曾無鄙吝之心東閣之宴欲開南樓之興不淺
雖一石滅燭在淳于髡豈敢望焉而五斗解醒如劉伯
倫不無覲也願戒青州之從事亟瀉東海之波臣心若
搖旌側聽黃金之諾言猶在耳盍追長夜之觀過此以
還未知所措祖穎之筆也醞藉可愛但恨太酸耳

總兵官印文

國家以公侯伯都督掛印充各處總兵官印文遼東曰
征虜前將軍宣府曰鎮朔將軍大同曰征西前將軍延
綏曰靖虜副將軍寧夏曰征西將軍甘肅曰平羌將軍
雲南曰征南將軍兩廣曰征蠻將軍湖廣曰平蠻將軍

皆柳葉篆漕運總兵無將軍名稱其印曰漕運之印疊
篆文若陝西止稱鎮守官貴州蘇州等處雖名總兵俱
無將軍印

統幕

統幕之地在北直隸隆慶州西南八十里相傳遼主遊
幸嘗張大幕於此因名統幕俗訛爲土幕又名土墓又
名土木皆訛也本朝正統十四年王師敗績于土木大
駕北狩卽此地元陳孚剛中詩千里茫茫草色靑亂塵
飛逐馬蹄生不知何代開軍府猶有當年統幕名

朱靜庵

海昌朱靜庵光澤教諭周濟之妻也能詩其詠梅花燈籠一絕膾炙人口其詠虞姬云力盡重瞳霸氣消楚歌聲裏恨迢迢真魂化作原頭草不逐東風入漢郊才思不減李易安也予年十五六時識之今有集行于世

學詩之法

學詩之法先師孔子道之盡矣後之學詩者不過曰取材漢魏效法於唐而已所謂性情者未之講也嘗愛元伯長宣荅徐生問詩一律云少日題詩愧老成中年漂泊讓才名師襄去亂亡周雅宋玉悲秋學楚聲月樹謾同烏鵲怨陽岡何得鳳凰鳴歸來信有餘師在千古歌

聲繫性情性情二字括出於學詩者甚有益

以醫為諫

以下三則見鹽車道聽今附此

仁宗皇帝嘗問太醫院判蔣用文保和之要對曰在養正氣正氣完邪氣無自而入又問卿醫效率緩何也對曰善治疾者必固本急之恐傷其本聖人所以戒欲速也仁宗稱善識者以為用文以醫諫

洪武乙丑庶吉士

湯陰伯郭忠襄公資洪武乙丑進士轉翰林庶吉士由是觀之則國初庶吉士在中書省高皇帝既革中書省乃改在於翰林耳非文皇始賜名也

庶吉士

國初庶吉士或在中書省或在文華堂後改置翰林偶讀梁用之徐孟昭傳云孟昭登洪武乙丑進士第行浙江道監察御史入為禮科庶吉士日記事侍上左右上方屬意天下進士每朝羣臣退獨進士留被顧問上未退不得退也由此觀之則洪武中六科亦有庶吉士不特翰林也

莊荀揚子之文

以下四則見醉經堂備糟編今附此

陳後山云莊荀皆文士而有學者其說劍成相篇與屈騷何異揚子雲文好奇而卒不能奇也故思苦而詞艱

善為文者因事以出奇江河之行順下而已至其觸山赴谷風搏物激然後盡天下之變子雲唯好奇故不能奇也愚以為文章以理為主而輔之以氣莊荀之氣壯故志節著而文愈奇揚雄之氣弱故志節靡而文愈澁孟子曰其為氣也配義與道無是餒也若雄其餒者乎

胡端敏公論仁明武

胡端敏公世寧嘉靖甲申以吏部右侍郎服闋被召時羣臣諫上追崇者伏闕號慟聲徹內庭上怒責以榎楚降謫有差公乃上疏略云臣昔效宋司馬光言人君大德有三曰仁曰明曰武蓋是三德以仁為主而明與武

所以威之譬諸天地仁則其生成之德明則其日月之照皆不可一日無者若武則雷霆時可一震而已若震之數或震之過則天下之物何所容而天威反褻矣故說者謂是三者仁或可過而明過則察武過則殘決不可也臣願陛下自今中外羣臣有罪下之司寇責問罪狀明白輕重誅黜皆依律決斷姦不能惑佞不能移所謂武也若乃廷辱之以箠楚則恐其間或有心寔忠良而體素怯弱者一時不堪偶斃雷霆之下遂傷日月之明而大爲天地生成之累矣臣知此事非出陛下本心寔由羣臣偏見激烈之過然而傳播天下書之史冊鞭

朴行于殿陛刑戮上于大夫非所以昭聖德之美也臣願陛下謹之於後而已又言新進英達今雖議禮一言有合而以後難保其事事皆是舊任老成今雖執禮一事不合而以前難謂其事事皆非聖明於是唯以天地日月三無私心照臨於上其言是者從之非者置之其立心行事公者用之私者黜之無分彼此新舊而先有適莫於中天下幸甚

古文三等

陳後山曰余以古文爲三等周爲上七國次之漢爲下周之文雅七國之文壯偉其失騁漢之文華瞻其失緩

東漢而下無取焉蓋周之文六經孔孟也七國之文諸
子之文也漢之文文士之文也道失而意意失而辭可
以見諸子不如六經孔孟文士不如諸子也

曾子老而學成

宋景文曰曾子年七十文學始就乃能著書孔子曰參
也魯蓋少時止以孝顯未如晚節之該洽也余以為曾
子之學誠篤故功夫細密而卒能傳夫子之道著書立
言與六經垂憲今觀大學次第節目之詳知其學之有
本有末而得乎一貫之旨多矣所謂該洽乃其餘事

藝海珠塵

集部別集類

南滙 吳 省蘭 泉之輯

華亭 姜 兆紳 如山校

交行摘稿

徐孚遠纂

字遠字聞公晚號復齋江南華亭人明崇禎壬午舉人有鈞璜堂存稿十七史

同黃臣以張衡宇行交海

交州南去是長安霧重風輕道路漫回首滄浪為客久
龍神款款別離難

入交港同行者或云此中有似三吳感賦

曲曲溪流面面田海濤盡處好牽船江南風土渾相似
吳會交州共一天

種竹栽桑養子孫處處雙鬟坐市門客路相逢開一笑
何須津口問桃源
風帆高掛入青畦春水方生路不迷夷女看人渾未識
笑聲啞啞滿前溪

同黃張祀伏波將軍廟歌

自古中興稱建武將軍挾策求真主東廂一見展筵謨
腰懸組綬分茅土晚年仗鉞向炎州樓船下瀕漾中流
朱鳶已定日南服重開七郡獻琪球靈跡千秋銅柱存

蠻夷長老咸駿奔至今廟祀江之游舟師日日薦芳蓀
我從國變山中哭烏折其翮車無軸衰老難跨上將鞍
籠疏方似當時璞一聞交海近行都便隨商舶駕雙鳧
高檣狎浪看轉側陽侯驤首凌天吳忽然濃霧迷南北
天地暗慘長年惑長年無計焚片香歸命將軍頌明德
須臾雲淨四山開如見拓戟光徘徊從此揚帆兼命楫
擊鼓吹簫取道來沙淺江平識去津翩翩蝴蝶引行人
我行祇謁神祠下青青竹色水粼粼古碑斑剝字畫漫
執圭示黼著蟬冠酒馨牲膾來夷女拜手陳詞看漢官
將軍上殿喜論兵聚米還成山谷形此日聖王方借箸

好將圖畫入承明

贈安南范禮部 名公著僭稱尚書

十載風塵臥翠微
今來假道赴皇畿
未聞脂秣遘賓駕
更有荆榛牽客衣
生似蘇卿終不屈
死如溫序亦思歸
南方典禮惟君在
僑胥相期願弗違

贈黎禮部 名數僭稱侍郎有詩三章贈余

孤臣萬里誤投鞭
王帛將來更有愆
未得搏鵬游碧落
可能放鶴反青田
再生馬角真何幸
一惠魚書喜有緣
此日交期良不淺
河梁詩句古人傳

題南越王尉陀廟

遺史千秋一丈夫
却瞻祠宇薦靈芻
乘時截嶺分秦地
折節開關結漢符
樹葉青青藏雀卵
碑文黯黯辨龜趺
陸生使後誰人到
猶喜相聞新語無

交州漫題

臨流日對草萋萋
握節交州顏色低
賓館嗟無端木駟
蠻方腹有子卿瓶
每懷反轡身何託
實恐朝天路欲迷
聞道樓船今佩印
前旌已渡武陵溪
南來虛負一帆風
王會猶然若未同
披髮夷人何意氣
擔簦客子甚怔忡
四分州土非全國
三統雄師有上公
休恃文佳嘗反側
獻俘終入大明宮

在交日久傳語日變莫測其情或言舊唐人有洩
余姓名者故愈欲余謁晤而甘心焉

風霧蕭蕭嗟遠道主賓擾擾誤虛名誰占李耳車前氣
欲絕淳于冠下纓豈是鬚眉真有異從來頭足自當明
雖然周室非全盛王會開時南海清

晦日同臣以衡宇

清光煜煜雨霏霏夷服夷言相刺譏客裏三人如貫索
舟居兩月似園扉宋臣真喜華元反漢使難期谷吉歸
此日已為春盡日雲雷猶白感天威

四月朔

自後不作題以日為次

從王喜甚赴蓬瀛誰料南行荆棘生蝸角真為蠻氏戰
蠅營擬作伯勞聲窮途自覺諸緣盡守禮應知一死輕
若遇九原交友在問余來此有何名

二日

天公何事久陰陰晴雨無期似客心夏旬幾時巡鳳輦
春光難可變鷓鴣音不堪異類思微服遙念同朝憶故簪
終日溪流未徹那能滴淚到滇黔

三日

時聞有兵至粵若將可待而竟寂然

金馬空傳不可徂相聞洱海下王鉄輕票皆出禁中旅
留滯還同西域胡每羨遊鱗能赴壑只憐苞羽尙囚笄

元戎布算今須定為取蘇卿入帝都

四日

志欲吹簾慮未詳忽然鼓棹入蠻鄉嘗懸北闕心如日
一到南方鬢總霜羽翼摧傷同蝨蝨騰驤無計羨飛黃
井蛙有國堪尊大不異當年笑子陽

五日同黃張飲歌

上已之後到交州可憐五日尚淹留夷人喜怒不可知
羝羊能乳在何時雖有夷釀嘗盈缶漓似督郵難入口
舉杯消愁更添離騷一篇空在手今辰呼童整我冠
有人遣我東洋酒酌之其味醇且醲相勸何論升與斗

偶然下箸兩三瓣白者蒜泥青者韭帝都飛鳥尚茫茫
嘆我年來已老醜飲罷起坐撫吳鉤清音泠泠如欲吼

舟中雜感

屈指乘桴今幾時推篷巨坐強支頤十年荒島心常苦
一拜夷王節又虧玉帳久懸都護檄蠻鄉空寄少卿詩
遙聞吳楚將龍鬪不禁臨風泣路歧

孤舟盡日雨瀟瀟宿從無聲不自聊臣節當堅中路阻
天威未振小夷驕狂來欲借琴高鯉騎去應吹伍員簫
使客雖然失意氣前軍還有霍票姚

浮雲澹澹水悠悠壯志難消感魏牟鼓角每愁銅柱路

夢魂猶戀碧雞游一葵向日知無補羣策支天恐未周
從此回舟何所事還應驅浪大江頭

擬向龍門不是津春餘涉夏又盈旬未能芳餌求璜玉
且就青溪戴葛巾避跡便同朱處士無言真作息夫人
只愁川谷將來變歸路何從問四鄰

天末猶餘此一隅昔賢嘗亦有經塗子初遠跡終能反
士變遺風尚在無回首年華真冉冉傷心枯苑嘆烏烏
何時好鼓閩南棹堅臥山中號小巫

千行涕淚王威弱三月拘留臣節艱來日無能假末道
歸時猶恐滯秦關賈人歡喜金錢曾使客蒼黃髮鬢斑

安得禁申求頗牧早施長策定南蠻

蘇卿臥雪窮邊日漢將揮戈出塞時甲第連雲軍氣盛
羶羊荒草使臣悲節旄欲盡天寧感雁帛難傳人豈知
悼古傷今空涕淚臨流無計強題詩

嗟爾蠻人何種生先朝棄此海南平身紆劍佩觀無用
口學盤杆說未成鵬遇長沙須作賦梟逢軒帝卽爲羹
孤臣真悔輕衣袂日日溪頭蒙惡聲

與臣以論行止
兩朝奉勅輜軒使六表行年上墓身山裏芝田方煜煜
舟中鶴侶尙逡巡余將躡屐看青壁子擬吹簫謁紫宸

心事相關重執手他時能訪五湖濱

偶題示黃張二君

寸丹耿耿豈能要笑爾蠻夷空設朝自擬劉綱經百鍊
誰憐堯莩已三凋傷心舊侶籠中鶴側目秋風韜上鷁
何曰天南飛尺一相將攜手上青霄

擬歸鷺

十年一度擬朝天及至中途又渺然主聖已開温室待
臣愚只有海槎緣身隨碧浪如流去望斷紅雲不可前
伏處時多行日少自傷才力愧張騫

遣懷

出岫孤雲何所依臨流萊竹正萋萋軒皇蓋三春勸
旅客征帆六月飛便擬相如懷璧反誰憐季子敝裘歸
行年已邁磻溪杳好把漁竿上釣磯

蠻俗真知賈客豪使車至止亦徒勞謾將玉帛人誰答
默禱神祇天愈高何吉何凶詢季主為醒為醉感離騷
傷心有似孤飛鶴引吭長鳴徹九臯

土風

賓至誰來慰寂寥公衙不啓是虛朝周官何必稱多士
齊國惟聞有豎刁辭設詛盟交道絕館愆牢醴客心搖
倒懸頭足堪流涕何日問天天路遙

得意中官故喜豪嘗將絲竹擬雲璈盡搜漢物如過市
約畧方言似旅葵蠻女跣行窺玉節夷男箕坐弄霜毫
此州本屬王封外何事來游紆佩刀

懷王先生

歲歲波濤只此身未曾一刻惹胡塵嘗隨魯仲逃東海
亦與無功作近鄰桂老山中空偃蹇簫吹江上又遭迤
從今便斷朝天夢慚愧當年化杖人

再懷王先生

生平二老髮俱華執手徘徊嘆路賒適野於今方失道
臨河往日亦回車清奇未絕彈流水紫氣全捐感鑠邪

不見勿論人世事溪邊依舊種桃花

不與黃臣以論次人物懷唐梅臣先生

先生正始彥神理靜以淵俱客島與問杖履日周旋吟
咏時有作壺觴亦聯綿相待以送老遂忘陵谷遷非有
魏牟心戀闕猶惓然每遇天邊人繼絕情何專黃郎捧
壺書抱病客邸眠省視不踰日餉藥兼給鮮滄浪各有
適含意俱未宣朔風何栗栗海流何濺濺懷人不可見
淼渺隔山川梁月無米時贈以瑤華篇

西望

自嘆今來行路艱側身西望淚潸潸已聞貳負真藏穴

未報單子請款關南傲金根如欲動中原玉斧故須頌
驅車不濟深惆悵碧海炎風空往還

雲車何事久南徼軒帝巡游路不遙中道每愁夸父渴
偏鴻或阻百靈朝明堂開處須公玉五服惟時命趙襄
蹇足未能陪法乘回舟夜夜望招搖

聞道齊桓建一匡孤臣中夜側衣裳虎符未見催金葉
節使徒憐困竹王實恐蘭生同翦伐難言雲路好翱翔
故人海內無存者誰授招辭下大荒

不見文淵西下期空餐交米望王師壁間劍有悲鳴感
雲裏鳧無首路時杜甫雖忠心轉拙范增已老計非奇

從今便絕冠纓客結伴山中共采芝

隱語寄馬金吾

聞馬將至時其國檢索嚴甚書之
扇間遺之竟屬訛傳

帛書悲未達黃鳥有哀鳴願假盧耽鶴相邀上玉清

傳周漳平將至亦作隱語未達也

節旄將盡落馬角幾時生寄語專麾帥飛鳧密見迎

松月歌贈臣以

黃郎好奇性亦別蒼古如松冷如月買絹數尺倩妙手
畫之作障清神骨虬枝偃蓋蟾吐暉晚霞初散雲氣微
移置長廊恣高臥月色松聲交入帷

贈寓交者蔣漸遠

我入交州何所得君來相訪若有覲不巾不履神貌殊
自言混迹人無識一從去國幾何年往日冠簪今渺然
姓氏真同梅尉隱方書多自葛洪傳知君夙昔有兼才
筆墨紛紜入手裁且莫佯狂長棄世遙聞天廡選龍媒

贈寓交林明卿

交州聊借一枝棲逃名似入武陵溪不商不宦無世事
閒寫青山手自題筆墨時隨烟霧迷周人冠弁漢人衣
河干來訪語依依看君非復忘情者天南重見五雲飛
莫使嘗占作少微

臣以在交善病病熱也歌以發之

知君夙昔苦炎蒸二伏沉沉病欲增安得遠求千歲雪
颺如近對滿壺冰窻前企脚追彭澤嚴下科頭彈廣陵
且學枚生歌一發卽看榮氣灑然升

歸丹

何處可容我只宜桴海中衣冠千古事舟楫四時風塵
世浪頭碧勞人魚眼紅皇輿猶轉側客子固須窮

交州有鬼門關舟行過關乃入華界將歸作

交行將過鬼門關及至斯關又遣還天路難階鬼亦厭
只宜流落在人間

周漳平有書至寄書者被其國重罰信音絕矣

一封書寄即為災重把關門不放開幽谷無春日欲暮
上林飛雁幾時來

將回贈臣以職方

時臣以議欲間道行復命也

瀚海吞羶報漢恩蕭然反棹不堪論軒車高蓋誰迎者
辦得芒鞋朝至尊

行瓊海入一線沙亦名角帶沙危險萬狀吾輩三

人自擬必死矣口占

何事舟行入線中更憐瓊海道難通淺沙仄逼三篙水
惡浪交加四面風端笏未期門下省排衙將赴水晶宮
天公不擬亡周室銜石瑤姬結恨同

伏長已誤入一線沙以出沙為艱欲沿山而行將

抵瓊州海口乘風直過吾輩難之曰若遇虜舟

則奈何伏長曰昔年曾過此虜無舟也主船者

利得速出亦以為然衡宇疑曰昔即無舟安知

今不有也臣以大笑曰瓊大郡也以海為固聞

王師將出粵東必且造船自備豈無數艦為我

難乎然無以奪其說自二十七訖朔日至紗帽

山西南風即出矣乃值東風不可行未刻見一

八檣船來始惶駭未及治備禦已發一銃相加

又見二舟出始反棹乘東風疾行得脫

漢棄朱崖已數年
王人那到海南邊
舟工自謂乘槎便
港內艨艟正鬱然
故將施蜮箭吐蛟
涎皇天不與衣冠入
故作東風阻客船
履危將欲哭途窮
且喜先機遇好風
笑爾艨艟終日待
鯨魚已放碧流中

自線沙出得西風可至大洲頭始為通道行至初

五日已報過洲頭風輕流迅退回

生門死路大洲頭已過仍回客更愁目斷長風凡九日
心懸少女似三秋

行大洲頭歌

斗量米斛量水諸君吾子皆相齒番舶之行古如此我
來日日大洲頭何如朝暮在黃牛東風至西水流神山
只在海中浮唇焦口燥不得語疎勤飛泉那可求
南風氣盡溯洲頭不及西風一夕流自古乘時人力易
何須鞭石駕飛虬

七夕西風過大洲頭

天上榆花方報秋張騫也渡海南洲緣知此夕真良會
少女當陪織女游

將至大星連日暴風

粵中水師皆自怨於我故作末二句

南海行幾一月程狂風號怒客魂驚鞭驅岡嶺青冥覆
浪湧龍鼉白晝鳴鮑子憤時原不惜幼安思過喜猶輕
眼前水怪紛然現何必燃犀始別名

舟行迷道作

交州古號越裳國其使來朝歸不得聖人作法示指南
舟人傳之為準則今日針師何等閒羣峯指點有無間
掛帆疑往又疑還履行七聖俱迷道不見聞人夢裏山

附小傳 林霍

先生名孚遠字闇公松江華亭人也上世居汴梁為宋
朝宗室高宗南渡時分封於浙之湖州郡烏程東山徐

溝村以地為姓避亂隱居終元七世無一出仕者至太
祖宗周佛子公始出仕為參計使子若孫接踵登第永
樂朝遂有一堂六進士四世繼三公之謚至先生曾伯
祖階世宗朝為上柱國歷仕三朝六十年相業謚文貞
曾祖昉世宗朝為司寇祖琳為楚雄守叔祖為山東
撫軍以賑民飢捐家貲四十萬全活數百萬生靈上嘉
賴之賜爵上公父爾遂由恩蔭食三品俸養高不仕先
生為伯子少時與周立勳陳子龍二先生皆治毛氏詩
以詩文名世時人號為兩脚書廚既又與同郡夏允彝
婁東張溥諸巨公為古文社並負重名崇禎壬午登順

天賢書癸未族弟售而先生下第越一年國變乙西南
都潰唐王卽位于福州爲隆武元年先生航海入閩道
信州晉謁黃道周公一見如舊識又爲疏薦於朝時福
州改爲天興先生至爲天興司理斷獄平正尋擢兵垣
三遷而爲左都御史東兵下漳泉五日而皆臣服未嘗
加一矢歡聲動地丙戌八月閩潰車駕出奔丁亥扶桂
王卽位改元永歷五月貽書舟山肅侯黃斌卿事洩走
舟山會監國魯王至因抵鷺門在同安嘉禾山原香中
左所鄭成功聚兵處也地奉永歷正朔勅使由行在而
至者相望凡建議舊臣皆晉秩先生詔爲光祿大夫柱

國少師命佐成功鎮臺灣成功以師禮事之舉動必請
命以行成功世爲大將隆武朝賜國姓任百閩招討使
永歷帝始封漳國公以不從父逆又封延平王當丙戌
閩潰勸父芝龍勿受招芝龍勿聽自率所部入海時同
行者先生首倡有大學士魯公櫻江右峽江人兵部尙
書盧公光騰同安人少司馬王公忠孝惠安人林公蘭
友仙遊人沈公佺期南安人其餘如魯王舊臣浙張公
煌言舟楫相尋於海上不可一二數先生在島與紀先
生往還如兄弟霍庚寅冬與友人訪紀先生因得獻所
作詩爲先生許可辛卯歲漳國南下三月兵襲島上先

生同部職方黃忠都督張自新泛海赴行在三月至交
州與交南西王爭禮不得進先生與王書曰孚遠聞之
竭誠以報國者貞臣之良軌也郵鄰而敬賓者賢王之
茂德也二者相遇而相合然後功烈著於當時名聞傳
於來禩也自我宣宗皇帝從三楊之請崇立貴國始重
以使權繼隆以王號而貴國二百三十年來輻軒歲至
球幣無愆稱爲知禮之國我列聖所以嘉獎貺賜亦無
替也自妖氛狂熾三京淪陷永歷皇上正位南極側聞
貴國遵正朔重冠裳孚遠等是以聞義而假途也孚遠
江南之腐儒也受國恩者八代藉先人之餘麻擅文筆

之末藝義難蒙面破家殺子以報大讐事未克集乃入
閩事隆武皇帝又以運屯同賜姓藩大集勳爵結盟連
義于閩島與賜姓藩爲寮友養精蓄銳四十萬待時而
動十三年于茲矣蒙皇上寵召亦數次矣黃職方事忠
者亦以起義母妻被殺奔走王事屢入虎穴至死不避
皇上命之資奉詔書至賜姓藩營約以進兵賜姓藩遵
奉會合羣帥統軍大帥將直抵金陵遣張都督送孚遠
等于朝恭報師期催發晉蜀韓三藩同逼江北以殿下
世兄弟玉帛歲通歡好深切求殿下慨然送行初至張
都督具啓謁見未獲請孚遠等以乍涉驚濤兼之暑熱

成病未得具啓深用歉然伏承殿下垂問遣醫治療德甚厚也孚遠等豈敢自寧擬卽日掘謁而猶有未敢者蓋交情與國體兩盡而不相礙則自處處人方爲合美自我朝遣使至貴國二百餘年載在國典祇行賓主禮此貴國先王及賢大臣所共知者也惟去歲秦魯二藩遣使來用拜禮二藩雖貴乃大明之臣與貴國敵體其所遣使乃奔走末弁爵不列於天朝名不聞於閭巷先王宴而資送之不爲薄矣今張都督貴官不同於前然在賜姓藩下奉書拜謁於禮無譏若孚遠濫居九列事忠恭承王命有異於是伏惟殿下訪諸大臣得遣一兩

員來與孚遠等商定使孚遠等有以受教于殿下有以不獲罪於朝廷不貽譏于天下萬世殿下之大惠也孚遠等之至願也自來名賢假道而成境外之交爲千秋之美談者往往而有詞繁不敢多贅惟殿下念孚遠等之赤心天下之善一也禮待而速遣之豈惟孚遠等懷德卽皇上亦有晉錫諸藩亦慕義無窮矣書竟不報先生不得已歸島與霍書曰交行之不得達有不偶者數事非筆墨所能詳紀石老能傳之也聞粵東猶可以達特險耳今天使黃兄尙在明春須問途不肖固不惜命也噫可見先生之志矣當其歸島也行瓊海一線沙亦

名角帶沙危險萬狀先生三人自擬必死矣仗長已誤
入一線沙以出險爲艱欲沿山而行將抵瓊州海口乘
風直過先生三人皆難之然無以奪其說自五月二十
七日訖朔日至紗帽山西南風卽出矣乃值東風不得
行見一八櫓船來未及治修禦已發一銃相加又見二
舟至始返棹乘東風疾行得脫自線沙出得西風可至
大洲頭始爲通道行至初五日已報過洲頭風輕流迅
退回至七夕西風始過將至大星連日暴風粵中水師
皆有怨於我又舟行迷道嗚呼先生可謂艱難險阻備
嘗已熟矣庚子歲遙聞永歷帝遇害辛丑延平王取臺

灣壬寅五月王薨元子經嗣位癸卯十月鷺門被經退
守銅山先生遂南帆臨別執沈佺期公手流涕曰吾居
島十四年只爲大明一片乾淨土耳今遇顛覆不得已
南帆待送兒子登岸歸故鄉守先人宗祧卽返而與諸
公顛沛流離於海外雖百死無悔也詎知事與心違轉
徙入潮之屬邑山中竟全髮痛憤連嘔血數升而歿爲
乙巳歲五月二十七日距生萬歷己亥年六十有七

東海先生傳

王鏜

東海先生姓徐氏名孚遠字闇公華亭人高祖贈少師
公敬生二子長文貞公階次司寇公陟先生曾祖也立

朝有廉讓名祖琳官至楚雄太守有幹畧好行其德於鄉父太學公爾遂以文行知名生三子長卽先生次鳳彩少致遠先生天性沉敏篤志力學精力過人晝夜不倦經史百家之言一覽成誦終身不忘自爲諸生文譽日盛是時同學若周太學勤卣杜職方仁趾夏考功允彝陳黃門臥子彭孝廉燕又與先生而六當世所謂雲間六子也復倡爲幾社古文詞之會同著壬申文選行於世兄弟皆治毛鄭之學先生覃精六藝風雅之家皆師事之仲氏以多識著述成一家言少弟負才善交遊時有雲間三徐之目先生矻矻力學以讀書論世爲宗

於史學特稱淹博每同人高會上下古今或有遺忘必質之先生應對若流羣疑盡釋四方問字而至者戶外之屨常滿江左文風翕然丕變咸推爲東國人倫云壬午舉于北闈年已四十有四矣癸未南歸旣而有甲乙之變先生慨然奮袂而起指其髮而誓曰此卽蘇武之節矣我寧全髮而死必不去髮而生從容就義非難事也但今天下之勢猶父母病危雖無生理爲子者豈有先死而不顧者乎倘我高皇帝尙有一線可延我惟竭力致死而已遂與夏考功陳黃門謀勤王事不克入於湖湖中遇兵與家相失姚氏赴水免長子度遼殉焉先

生間道徒跋涉江踰嶺奔赴行在時同郡張公覲淵在
閩見之驚喜爲具湯沐治衣冠奏聞行在詔除福京司
李忠勤辛苦不避艱難丙戌六月除兵科給事中秋八
月行在去閩閩中亂先生棲遲閩粵朝夕哭拜呼高皇
帝戊戌歲滇南詔命徐公都御史至交州與安南定王
爭禮不得達而返漢以癸巳客於閩之清漳漳有王生
之鄰者一日遇於途執手語曰子鄉徐先生亦苦矣夷
齊之行不是過矣余驚曰先生何在曰在山中余曰無
恙乎曰嘗自握其髮撫其膺哭呼高皇曰孤臣惟以髮
爲節以詩書爲友從容俟死以事陛下於九天耳語未

竟途人皆至揮手而別余惘然自失者久之因賦詩二
章云不見徐孺子飄零已十秋依劉寧失策復楚更何
求鴻雁春前到魚鳧夢裡愁盈盈成異域岐路淚空流
爾昔奔行在鄉書竟渺然那知閩嶺上猶得故人憐著
述存遺獻兵戈又隔年相思一相慰白髮喜盈顛及漢
遊楚有郡守朴君懷王先生弟子也揮淚謂余曰吾師
居山時有勸爲僧歸鄉者吾師叱曰吾爲孔孟之徒豈
能依釋氏偷生乎頭可斷髮不可截也先生著書甚富
每云十七史後學苦其浩繁不能遍讀東萊呂氏雖有
詳節一書而又削去宋齊梁陳魏齊周七史未成全璧

因數更寒暑纂成十七史獵俎一百四十五卷真讀史之津梁也又著詩五千餘首以抒其忠憤較之心史無以加茲未知鐵函何時復啓晚年自號復齋蓋寓意云歲在乙巳有同郡故人遊湖道經饒平過訪先生握手道故意氣如初益壯不少挫輒呼高皇帝仰天而拜故人有慚色亟辭歸先生固留之不得痛哭而別別後哭不止連呼高皇而卒春秋六十有七同郡宋尙本時守湖屬友張子退經紀其喪爲治舟車次子永貞侍母戴氏扶柩歸里先生娶於姚生子度遼先卒在閩娶于戴生子永貞又卒宗黨僉議謂先生爲司寇家孫不可無

後乃立仲弟鳳彩孫懷瀚爲嗣孫禮也已未仲冬懷瀚奉先生暨配姚氏戴氏祔葬於太學公墓之昭位永貞暨配宋氏祔於旁先是先生出亡時潮海風濤家門岌岌不自保仲弟力護墳墓終身勿離少弟奔走急難傾身下士由是家門得全先生兄弟孝友生死一節若此人以爲三徐之目不愧殷之三仁云雲惟先生文章若班孟堅經術若鄭康成德量若黃叔度博物若張壯武天下所共知也若乃大義所發勇踰賁育忠信之行孚於蠻貊流離患難舍命不渝水火不能侵鬼神不能違卒之履險若易全髮而終夫豈一節之士張儉趙岐之

